

說文解字義證

說文解字第六 義證第十九

曲阜桂馥學

邑國也從口先王之制尊卑有大小從卩凡邑之屬皆

從邑

於汲切

釋名四井爲邑邑猶攄也邑人聚會之稱也 史記鄭世家
封子產以六邑集解引服虔曰四井爲邑 周本紀於是古
公營築城郭室屋而邑別居之徐廣音義分別而爲邑落也
五帝紀舜一年而所居成聚二年成邑 呂氏春秋貴國
篇舜一徙成邑再徙成都三徙成國注云周禮四井爲邑邑
方二里也四縣爲都都方二十二里也邑有封都有成然則
邑小都大傳曰都城過百雉國
之害也成國成于乘之國也

國也者廣雅同御覽引作縣也從口弓風俗通用禮百里
曰同所以獎王室協風俗總名縣縣玄也言當玄靜平徐
役黃恭十四州記縣者弦也言施繩用法狀如弦弦聲近
縣故以取名釋地邑外謂之郊郭注邑國都也桓十一年

說文解字義詁 卷十九

一

漢書卷十九

左傳且曰虞四邑之至也杜云邑亦國也正義云書云欲宅洛邑傳每云敞邑是也錢君大昭曰夏商天子所居名邑商領殷武云商邑翼翼四方之極毛傳商邑京師也逸書言西邑夏大邑周多士言天邑商是也是以自虎通云夏曰夏邑殷曰商邑周曰京師尚書曰率割夏邑謂桀也杜商邑謂殷也文王演易據夏商之禮故於无妄六三云邑人之災亦以天子所居為邑也諸侯亦稱邑春秋傳云敞邑是也禮案書多士今朕作大邑于茲洛從口者口音固先王之制尊卑有大小從下者坊記制國不過千乘都城不過百雉左傳都城過百雉國之害也大都不過參國之一申五之一小九之一今京不度非制也孟子三里之城七里之郭

邑

國也從邑半啓

博江切

詩節南山以畜萬邦論語邦君爲兩君之好又云夫子至於是邦也

國也者魏志辰韓名國爲邦漢高帝諱邦邦之字爲國周禮大宰掌邦之六典以佐王治邦國注云大曰邦小曰國釋名大曰邦邦封也封有功於是也書康誥序以殷餘民邦康叔傳云國康叔爲衞侯

出田

古文

今書古文封從土此從出從田同意 徐鍇

郡

周制天子地方千里分爲百縣縣有四郡故春秋傳曰上大大夫受郡是也至秦初置三十六郡以監其縣

從邑言聲

渠運切

黃帝十四州記改公侯之封而言郡者君至尊也言郡守專
惟召臣之禮更崇也今之郡字君在其左邑在其右君爲元
首邑以載長故取名
於右而謂之郡也

周制云云者水經注引云郡制天子地方千里分爲百縣
縣有四郡故春秋傳曰上大大夫縣下大夫郡哀二年左傳
晉趙鞅與鄭嚴誓衆曰克敵者上大大夫受縣下大夫受郡
上田十萬注云周書作雜篇千里百縣縣有四郡周書郊
田方六百里因四方爲千里分以百縣縣有四郡呂氏春
秋季夏紀是月也令四監大夫合百縣之秩芻以養犧牲

說文解字義證

卷十九

二

連約義叢書

注云周制天子畿內方千里分爲百縣縣有四郡郡有都
故春秋傳曰上大夫受縣下大夫受鄙風俗通周制天子
方千里分爲百縣縣有四郡故左氏傳曰上大夫受縣下
大夫受郡至秦初置三十六郡以監其縣者水經注引
作以監縣矣類篇引作以監縣邑徐鍇本作至秦初并天
下釋名至秦改諸侯置郡縣郡羣也人所羣聚也風俗通
至秦始皇初置三十六郡以監縣高注呂氏春秋周時縣
大郡小至秦始皇兼天下初置三十六郡以監縣百呂祖
謙曰春秋之時郡屬於縣趙簡子晉衆所謂上大夫受縣
下大夫受郡是也戰國之時縣屬於郡秦紀惠文十年魏
納上郡十五縣是也方孝公商鞅時并小鄉爲大縣縣一
令尙未有郡牧守稱及魏納上郡之後十餘年秦紀始書
置漢中郡或者山東諸侯先變古制而秦效之歟三輔黃
圖始皇銷鋒鏑以爲金人銘其後曰皇帝二十六年初兼
天下改諸侯爲郡縣魏志傳報常以爲秦始皇罷侯置守設
官分職不與古同漢舊儀古者諸侯治民周以上千八百
諸侯其長伯爲君次仲叔季爲卿大夫支屬爲士庶子皆
世官位至秦始皇帝滅諸侯爲郡縣不世官守相令長以
他姓相代去世卿大夫士古文苑郡太守嚴有獄驅除焚
典紀舊蕩滅蕃畿罷侯置守注云秦廢封建之法分天下

爲三十六郡各置守尉地理志秦始皇懲尉氏之氣
勢而并天下自以爲強茂乘經典罷侯置守袁子奈以列國之
改郡縣史記秦始皇本紀天下共苦戰鬪不休以有侯王
賴宗廟天下初定又復立國是樹兵也而求其寧息豈不
難哉廷尉議是分天下以爲三十六郡集解三十六郡者
三川河東南陽南郡九江鄒郡會稽潁川揚部泗水濟部
東郡琅邪齊郡上谷漁陽右北平遼西遼東代郡鉅鹿邯
鄲上黨太原雲中九原雁門北平遼西遼東代郡鉅鹿邯
鄲黔中長沙凡三十五與內史爲三十六郡晉書地理志
始皇初并天下懲忒戰國割罷列侯分天下爲三十六郡
於是與師逾江平取百越又置關中南海桂林象郡凡四
十郡郡一守尉漢官儀秦用李斯議分天下爲三十六郡
凡郡或以列國陳魯齊吳是也或以舊邑長沙丹陽是也
或以山太山山陽是也或以川源西河河東是也或以所
出金城城下有金酒泉泉味如酒像草樹生庭中鴈門
鴈之所育是也或以號令禹合諸侯大計東幸之山會稽
是也京兆絕高曰京京大也十億曰兆欲帝都股盈也左
軸右弼藩翊承風也張掖始開垂張尙掖也願炎武曰秦
分天下爲三十六郡其中西河上郡則因魏之故雲中鴈

說文解字義證

卷十九

三

靈后揚氏采

門代郡則趙武靈王所置上谷漁陽右北平遼西遼東郡
則燕所置史記不志地理而見之於匈奴之傳孟堅志皆
謂之秦置者以漢之所承者秦不言魏趙燕尔濟邱劭記
郡縣始自秦其可考者秦內史則治咸陽縣三川郡治雒
陽縣潁川郡治陽翟縣南陽郡治宛縣邯鄲郡治邯鄲縣
鉅鹿郡治鉅鹿縣上黨郡治長子縣太原郡治晉陽縣雲
中郡治遠服縣九原郡治九原縣河東郡治安邑縣東郡
治濮陽縣碭郡治碭縣上郡治膚施縣上谷郡治沮陽縣
漁陽郡治漁陽縣代郡治廣昌縣右北平郡治無終縣遼
西郡治陽樂縣遼東郡治襄平縣南郡治江陵縣漢中郡
治南鄭縣野中郡治沔陽縣長沙郡治青陽縣薛郡治魯
縣泗水郡治沛縣九江郡治壽春縣鄴郡治鄴縣會稽郡
治吳縣齊郡治臨淄縣琅邪郡治琅邪縣已郡治江川縣
蜀郡治成都縣閬中郡治回浦縣南海郡治番禺縣象郡
治象林縣不可考者鴈門
隴西北地桂林郡治百

邑

有先君之舊宗廟曰都從邑者聲周禮距國五百里

爲都

當城切

有先君之舊宗廟曰都者字林有宗廟先君之主曰都莊二十八年左傳分之都城殷注邑有先君之主曰都莊二十八年傳凡邑有宗廟先君之主曰都無曰邑杜云周禮四縣爲鄙四井爲邑然宗廟所封則雖邑曰都尊之也傳又云曲沃君之宗也注云曲沃桓叔所封先君宗廟所在僖十年傳狐突適下國服虔曰曲沃有宗廟故謂之國在絳下故曰下國昭四年傳屬有宗祫之事於武城傳遜曰楚武城有先君之廟故田獵以祭呂氏春秋仲秋紀建都邑注云國有先君宗廟曰都無曰邑南都賦夫南陽者真所謂漢之舊都也秦先帝而追孝立唐祀於堯山魏韓愈宗上言昔周居洛邑猶存宗周漢遷東都京兆置尹察春秋之義有宗廟曰都無曰邑况代京宗廟尚陵所託王業所基今使同之郡國臣竊不安周禮車國五百里爲都者經無此文當爲周制鄭注冢宰云四郊去國百里邦都五百里又注縣士云距王城四百里以外至五百里曰都司馬法王國百里爲郊二百里爲州三百里爲野四百里爲縣五百里爲都

邑

五家爲鄰從邑

力珍切

五家爲鄰者周禮遂人文郎司農云田野之居其比伍之名與國中異制故五家爲鄰釋名五家爲伍以五爲名也又謂之鄰鄰連也相接連也論語以與爾鄰里鄰黨乎鄭注五家爲鄰五鄰爲里

音

百家爲鄼鄼聚也從邑贊聲南陽有鄼縣作管切又作旦切

百家爲鄼者周禮遂人五家爲鄰五鄰爲里四里爲鄼徐錯曰五家爲鄰五鄰爲里二十五家爲鄼也四里爲鄼百家也

南陽有鄼縣者漢書地理志南陽郡鄼縣侯國顏注卽蕭何所封史記高祖功臣侯年表蕭何封鄼索隱鄼音贊

縣名在沛又云按諸解作南陽鄼蕭何世家高祖以蕭何功最盛封爲鄼侯文頴曰音贊臣瓚曰今南陽鄼縣也

孫檢曰有二縣音字多亂其屬沛郡者音嵯屬南陽者音讚按茂陵書蕭何國在南陽宜呼讚今多呼嵯嵯舊字作

鄼今皆作鄼所由亂也漢書蕭何傳上以何功最盛先封爲鄼侯顏注鄼屬南陽傳又云高后乃封何夫人同爲鄼

侯小子延爲筑陽侯顏注鄼及筑陽皆南陽縣也今其地並屬襄州高帝紀相國鄼侯下諸侯王臣贊曰茂陵書何

封國在南陽鄼音贊顏注讚說是也而或云何封沛郡鄼縣音才何反非也案地理志南陽鄼縣云侯國沛郡鄼縣不

云侯國也又南陽鄧者本是春秋時陰國所謂遷陰于下
陰者也今爲襄州陰城縣有鄧城城西見有蕭何廟彼土
又有筑水筑水之陽古曰筑陽縣與鄧側近連接據何本
傳何襲之後子祿無嗣高后封何夫人同爲鄧侯小子廷
爲筑陽侯孝文罷同更封廷爲鄧侯是却何封鄧國兼得
筑陽此明驗也但鄧字別有鄧音是以浦之鄧縣史記漢
書皆作鄧字明其音同也班固泗水亭碑以蕭何相國所
封與何同韻於義無爽然其封邑實在南陽非浦縣也且
地理志云王莽改浦鄧曰贊治然則浦鄧亦有贊音鄧
相亂無所取信也說者又引江統淮賦以爲證此乃統
之疏謬不可考覈亦猶潘岳西征以陝之曲沃爲成師所
居耳斯例甚多不可具載古文苑班固十八侯銘文昌四
友漢有蕭何序功第一受封于鄧注云鄧屬南陽郡音普
浦郡又有鄧縣才何反水經河水又東南過鄧縣之西南
鄧注縣治故城南臨河水謂之鄧頭漢高帝五年封蕭何
爲侯國也薛瓚曰今南鄉鄧頭是也茂陵書曰在南陽王
莽更名南庚者也圖經穀城縣有鄧城漢志卽蕭何所封
也通典襄陽郡穀城縣下云有漢故鄧城在縣東北漢之
鄧縣也蕭何所封說文云鄧音贊縣在南陽郡左何反縣
在浦郡按班固泗水亭高祖碑云文昌四友漢有蕭何序

功第一受封於鄆又江統徂淮賦云戾鄆城而尙軒實蕭
公之故國謂何封沛郡之鄆明矣近代載規嶽字與姚蔡
訓纂仿將衆說俱因此論是卽斷云何封沛之鄆夫人封
南陽之鄆臣瓚及文穎等注皆據茂陵書蕭何所封在南
陽按茂陵書在武帝崩日去何不遠指事爲親且地理志
以鄆爲戾國鄆則不言又何本傳子祿藪無子高后封何
夫人同爲鄆侯小子延爲築陽侯孝文元年罷同更封延
爲鄆侯尋築陽距鄆三十餘里若唯夫人封鄆則小子延
獨繼其母子謂不然也鮑至南雍州記云城內見有蕭用
國廟相傳謂爲城隍神遠而推之茂陵書亦可依矣王觀
國曰蕭何所封乃南陽之鄆也與沛郡鄆縣各有區別苟
不考究則相亂矣後漢書郡國志沛國有鄆縣劉昭注曰
曹騰封費亭是也觀國按費亭乃春秋所謂費滑蓋滑國
都於費在河南緱氏縣亦當屬南陽之鄆縣非沛國之鄆
也以鄆字相亂故劉昭誤注爾馥案王說是也後漢宦者
傅曹騰以定策功封爲費亭侯春秋莊十六年會滑伯滕
子同盟于幽杜注滑國都費河南緱氏縣又左傳殄滅我
費滑杜注滑國都於費今緱氏縣然則費亭屬南陽不屬
沛也史記三王世家續封蕭文終之後於鄆索隱蕭何初
封沛之鄆音費後其子續封南陽之鄆音嗟讀謂此說互

誤漢書蕭何傳封小子延為鄆侯封曾孫慶為鄆侯封元孫建世為鄆侯封元孫之子喜為鄆侯皆仿舊封不云改封他郡菽園雜記謂何初封與子孫續封是兩縣誤與小司馬同程巨孺讀書考定因泗水亭碑鄆與何為韻遂謂何受封於沛之鄆縣不知鄆鄆古讀同音班碑木是鄆字正以音同耳詩桑扈三章翰憲與那為韻非其證歐劉肅唐世說因張良封畱遂定為蕭何封沛亦屬武斷惟通雅不或於衆說其言曰鄆當時在南陽今在襄陽之光化者蕭何封邑也漢志鄆為侯國不言鄆侯國非明證乎楊升菴焦弱侯定以鄆為何封邑而云師古無據者謬也

鄆

五鄆為鄆從邑尚聲

兵美切

五鄆為鄆者周禮遠人文一切經音義二十五引同又云鄆野也蒼頡篇國之下邑曰野漢書質而不里如淳曰雖質猶不如闕里之鄆言也桓十一年公羊傳而野畱何注野鄆也呂氏春秋行論篇是以宋為野鄆也周禮宰夫掌治灋以攷百官府羣都縣鄆之治注云五百家為鄆呂氏春秋孟夏紀循行縣鄆注云鄆五百家也

如

距國百里為郊從邑交聲

古齊切

距國百里為郊者司馬法王國百里為郊二百里為州三百里為野周禮肆師與視侯爵于畿及郊鄭注遠郊百里近郊五十里又注聘禮周制天子畿內千里遠郊百里以此差之遠郊上公五十里侯伯三十里子男十里也近郊各半之



屬國舍從邑氏磬都禮切

屬國舍者後漢書安帝紀注引同一切經音義七引同又引蒼頡篇邸舍也六書故邦國之人有舍於王國曰邸史記范雎傳徹衣閒步之邸正義云劉云邸諸國客館漢書文帝紀至邸而議之顏注都國朝宿之舍在京師者率名邸邸至也言所歸至也盧辯傳舍燕邸顏注諸侯王及諸郡朝宿之節在京師者謂之邸後漢書和熹鄒皇后紀竝為開邸第晉有司奏王公國家制京城不宜有田宅未暇作諸國邸當使有往來之處今限京師得有宅一所陸機洛陽記百帶邸在洛城中東城下步廣里中後魏置諸國使邸齊使第一高麗次之通鑑唐朝集使京師無邸率僦屋與商賈雜居太宗始命有司為之作邸

郭

郭也從邑學聲

甫無切

郭也者當爲章通作郭風俗通郭謂之郭郭者亦大也周書周公作大邑成周於土中立城方千六百一十丈郭方七十二里春秋文十五年齊侯侵我西鄙遂伐曹入其郭杜云郭郭也公羊傳云郭者何恢郭也何云恢大也郭城外大郭襄十九年城西郭杜云魯西郭哀四年城西郭范甯云郭郭也隱五年左傳伐宋入其郭僖十二年傳諸侯城衛楚邱之郭襄十五年傳於是乎城成郭宣八年傳攻陳邱之郭杜注竝云郭郭也吳語入其郭又云以焚其北郭焉韋注竝云郭郭也

郭

境上行書舍從邑坐坐邊也

羽求切

境上行書舍者後漢書楊震傳注引同又郭太傅注引作境上傅書舍也本書無境字當爲竟廣雅郵驛也黃韻郵境上舍增韻郵境上行書舍一云馬傳曰置步傳曰郵四書辨疑云郵字江南廣韻中原韻畧皆訓境上行書舍孟子遠於置郵韻毛吳韻畧南北玉篇皆訓境上行書舍孟子遠於置郵而傳命注云疾於置郵傳書命也漢舊儀五里一郵郵置

相去二里半陸賈新語君子爲治郵無夜行之幸漢書武
五子傳且置驛書往來相報淮南厲王傳有司請處蜀嚴
道邛郵師古曰郵行書之舍五行志河南街郵頌注郵謂
行書之舍也京房傳因郵上封事顏注郵行書者也若今
傳送文書矣蓄宣傳橋梁郵亭不修顏注郵行書之舍亦
如今之驛及行道館舍也黃霸傳使郵亭鄉官皆畜雞豚
顏注郵亭書舍謂傳送文書所止處亦如
今之驛館矣 坐邊也者本書坐遠邊也

水

國甸大夫稍稍所會邑從邑有磬周禮曰任鄙地在

天子三百里之內所教切

國甸大夫稍稍所會邑者鄙稍稍相近通作稍稍禮惟稍
受之注云稍原會也周禮陳人賜稍會注云稍會禮糜
周禮曰任鄙地者地官載師文彼云以家邑之田任稍
地疏云名三百里地爲稍者以大夫地少稍稍給之故云
稍又通作削天官大宰家削之賦注云二百里家削疏云
家削之賦者謂二百里之內地名削其中有大夫采地謂
之家故名家削 在天子三百里之內者鄉注
周禮地官敘官稍人云距王城三百里曰稍

善

鄯善西胡國也從邑從誼誼亦聲

時職切

鄯善西胡國也者一切從音義一部善漢書本名樓蘭因
傅介子斬其王復更名鄯善在烏者國南陽關外也玉篇
鄯善西域國撰書云本名樓蘭城去長安六千一百里元
鳳四年傅介子誅其王更名其國為鄯善晉孔安起居注
太康四年有司奏鄯善國遣子元英人侍晉書張駿傳使
其將楊宣率眾越流沙伐龜茲鄯善魏書西域傳鄯善國
都并泥城古樓蘭國也隋書裴矩傳伊吾高昌鄯善並西
域之門戶也十道志鄯州古西域之地焉貢羅州之域元
和郡縣志鄯州古西域地漢置金城郡後漢分置西平郡
後魏以西平郡為鄯善鎮孝昌二年改鎮立鄯州復案隋
於古樓蘭城置鄯善郡唐為納
縛波地 善亦管者當為善聲

窮

夏后時諸侯夷羿國也從邑窮省聲

渠弓切

夏后時諸侯夷羿國也者本書羿下云古諸侯也一日射
師弓下云帝羿射官夏少康滅之論語曰焉善昧通作窮
書五子之說有窮后羿傳云有窮國名羿諸侯名襄四年
左傳有窮后羿玉篇引作窮論語羿善射孔曰羿有窮國
兌之釋字彙登 卷一 七 連筠移叢書

靈石楊氏某

之君襄五年左傳昔有夏之方喪也后羿自鉶遷于窮石
因夏民以代夏政楚詞離騷夕歸次于窮石兮天問帝降
夷羿革孽夏民帝王世紀帝舜有窮氏未聞其姓何先帝
嘗以上世掌射正至魯賜以彤弓素矢封之於鉶為帝司
射歷虞夏羿學射於吉甫其射長故以善射聞及夏之衰
自鉶遷於窮石因夏民以伐夏篡晉太康地記河南有窮
谷蓋本有窮氏所遷也水經注平原
郁鬲縣有鬲津河故有窮后國也

新邑

周封黃帝之後於鄆也從邑契磬讀若薊上谷有鄆

縣古語切

周封黃帝之後於鄆也者玉篇周武王封黃帝後於鄆今
姓薊韓詩外傳武王封黃帝之後於薊樂記武王克殷未
及下車而封黃帝之後於薊注云今涿郡薊縣釋文薊卽
燕國都後漢書光武紀以王郎新盛乃北徇薊注云薊縣
名屬涿郡今幽州縣也本字從契從邑見說文叢案史記
周本紀言封帝堯之後於薊誤也上谷有鄆縣者漢志
廣陽國有薊縣續志廣陽郡高帝置為燕國昭帝更名為
郡世祖省并上谷丁君杰曰按禮記樂記史記樂書並云

周封黃帝之後於蓊蓊卽鄭也但地理志蓊縣屬廣陽國郡國志屬廣陽郡而上谷郡無蓊縣說文云上谷有鄭縣蓋廣陽國高帝置爲燕國昭帝元鳳元年爲廣陽郡宣帝本始元年更爲國世祖省并上谷明帝永元八年復許氏據世祖時省并言之故屬之上谷也

2029

炎帝之後姜姓所封周棄外家國從邑台聲右扶風

釐縣是也詩曰卽有郃家室

土來切

炎帝之後姜姓所封周棄外家國者史記正義引作炎帝之後姜姓所封國弃外家也本書嫫台國之女周棄母字也玉篇郃姜嫫邑帝嚳元妃郃氏女也世本帝嚳元妃有郃氏之女曰姜嫫詩公劉箋云郃后稷上公之封生民時維姜嫫傳云姜姓也后稷之母配高辛氏帝嚳箋云姜姓者炎帝之後有女名嫫當堯之時爲高辛氏之世妃列女傳棄母姜嫫者郃侯之女也堯使棄居稷官更國郃地遂封棄於郃號曰后稷右扶風釐縣是也者帝王世紀后稷始封郃今扶風釐是也史記周本紀周后稷名弃其母有郃氏女正義郃天來反亦作釐索隱郃卽釐古个字異

百割敬傳周之先自后稷堯舜之節正義離州武功縣西
南二十三里故棧城是也漢書地理志昔后稷封棧顏注
棧讀曰郃今武功故城是也志又云右扶風棧縣周后稷
所封顏注棧讀與郃同音胎樊噲傳從攻離棧城顏注棧
讀與郃同縣名卽后稷所封今武功故城是音胎郊祀志
后稷封於棧顏注棧讀與郃同今武功故城是續漢書郃
國志又扶風郃有郃亭注云史記曰封棄於郃徐廣曰今
棧鄉道卓傳封棧鄉侯注云棧縣故城在今離州武功縣
字或作郃音台水經注渭水云又東逕棧縣故城南傳郃
城也后稷之封邑矣元和郡縣志秦孝公作四十一縣棧
其一棧與郃音同又云武功縣漢舊縣占有郃國堯封后
稷之地周平王東遷以賜秦襄公孝公作四十一縣棧美
陽武功各其一也棧與郃音同字異寰宇記武功縣棧城
一名武功城在周爲郃國后稷所封之邑漢爲棧縣在全
縣西南二十二里棧案郃或作駝棧又作棧昭九年左傳
魏駝芮岐畢杜預云駝今始平武功縣所治棧城是也
詩曰卽有郃家室者大雅生民文傳云郃姜嫄之國也堯
見天因郃而生后稷故國后稷於郃馥案徐錯本不引詩
錯繫傳引之

周文王所封在右扶風美陽中水鄉從邑支營

周文王所封者易是類謀出岐郿東撫州也注云岐郿邑

名鄭注康誥岐鎬之域處五岳之外詩闕宮居岐之陽箋

云太王自邠徙居岐陽漢書郊祀志太王建國於郿梁顏

注郿古岐字書西伯戡黎鄭注西伯周文王也時國於岐

新序周之先自后稷堯封之郿積德累善十餘世公劉避

桀居郿太王以狄伐去郿杖馬策居岐國人爭歸之詩幽

風謂至商之末世太王又避戎狄之難而入處於岐陽醜

業鄭意謂自郿出徙於邠入處於岐陽在右扶風美陽

中水鄉者詩謂周召者禹貢離州岐山之陽地名今屬右

扶風美陽縣地形險阻而原田肥美周之先公曰太王者

避狄難自邠始遷焉詩周南釋文云周者代名其地在禹

貢離州之域岐山之陽於漢屬扶風美陽縣史記周本紀

止於岐下徐廣音義岐在扶風美陽西北漢書地理志右

扶風美陽縣禹貢岐山在西北中水鄉周太王所邑志又

云賜受郿鄭之地顏注郿亦岐字志又云太王徙郿顏注

今岐山縣是郊祀志美陽得鼎獻之張敞上議曰今鼎出

於郿東括地志周城一名美陽城在離州武功縣西北二

十五里即太王城也續漢志美陽縣有周城在縣西北南

有周原通典美陽故城在京兆府武功縣北七里元和郡縣志鳳翔府扶風縣本漢美陽地

岐

郟或從山支聲因岐山以名之也

五經文字俗以此岐爲山名別作歧路字書無此歧字
顏氏家訓岐山當音爲奇江南皆呼爲神祇之祇後漢書
趙岐字邠鄉京兆長陵人也初名嘉字臺卿後避難故自改
名字示不忘本土也易王用享於岐山陸希聲曰太王在
岐直曰岐山鄭注禹貢岐山在石扶風美陽西北詩天
作高山箋云高山謂岐山也繇箋周之原地在岐山之南
徐廣曰岐山其南有周原鄭注鄉射禮云昔太王季文
王始居岐山之陽躬行以成王業昭四年左傳成有岐陽
之蒐杜云岐山在扶風美陽縣西北郭注中山經岐山今
在扶風美陽縣西竹書武乙元年邠遷于岐周三年命周
公亶父賜以岐文丁十二年有鳳集于岐山下孟子昔者太
王居邠狄人侵之去邠踰梁山邕子岐山之下居焉尙書
大傳太王亶甫遂策杖而去過梁山邕岐山注云岐山在梁
山西南馥案括地志梁山在雒州好畤縣西北十八里呂
氏春秋審爲篇遂成國於岐山之下注云岐山在石扶風美
陽之北其下有周地周家因之以爲天下號也淮南地形

訛何謂九山會稽泰山王屋首山太華岐山太行羊腸孟門
高注岐山今扶風美陽縣北水經禹貢山水地岐山在
扶風美陽縣西北括地志岐山在岐州岐山縣東北十里
續漢書郡國志右扶風美陽有岐山張衡傳即岐阻而
據情注云岐阻山足也周文王所居也晉書地理志扶風
郡美陽縣岐山在西北周太王所邑帝王世紀太王遊狄
循津水踰梁山徙邑於岐山之陽西北岐城舊趾是也通
典岐山縣漢離縣地有岐山周文王徙於岐卽此縣也通
鑑漢章帝幸槐里岐山注云岐山在扶風美陽縣潛邱割
記岐山在岐山縣東北十里一名天柱山其峯高峻狀若柱
然人與關內道名山曰岐山俗名願皇單山之
南周原在焉卽太王所居詩周原膺膺是也
邠或從山支替者支替二字衍因岐山以名之也者薛
綜注西京賦引作岐山在長安西美陽縣界山有兩岐因
以名焉五臣注文選引同顏注郊祀
志岐山其山兩岐俗呼爲箭栝嶺

古文

古文邠從枝從山

通作枝莊子技指釋文
崔云音岐謂指有歧也

說文邠字彙登 卷十七



周太王國在右扶風美陽從邑分警

補中

周太王國在右扶風美陽者玉篇鄭周太王國在右扶風

鄭邑鄭注方言鄭今在始牛漆縣孟子昔者太王居邠竹

書祖乙十五年命邠侯組紺武乙元年邠遷於岐周漢官解詁

甲十三年命邠侯組紺武乙元年邠遷於岐周漢官解詁

諒邠黑水胡廣注經曰黑水西河

惟邠州居邠國國在右扶風枸邑



美陽亭即幽也民俗以夜市有幽山從山從豸闕

史記索隱幽卽邠也古今字異耳唐書地理志邠州故幽

開元十三年以字類幽收元和志開元十三年以幽與幽

字相涉詔曰魚魯變文刑并誤聽欲求辨惑必也正名改爲

邠字詩公劉傳云公劉居於邠而邠人亂迫逐公劉公

劉乃辟中國之難遂平西戎而遷其民邑於豳焉襄二十

九年左傳爲之歌幽杜云豳周之舊國在新平漆縣東北正

義云幽者禹貢豳州岐山之北原隰之野其地西近戎北近

狄幽是彼土之地名於漢則扶風郡豳縣是其地也詩

豳者后之曾孫曰公劉者白邠而出所徙戎狄之地名今

屬右扶風枸邑公劉以夏后太康時失其官守竄於此地猶

商后稷之業勤恤愛民咸歸之而國成焉漢書地理志
右扶風栒邑縣有商鄉詩商國公劉所都北征賦息邠邠之
邑鄉李善云漢書右扶風栒縣有商鄉詩商國公劉所治邑
也商與邠同博物志扶風邠邑商鄉公劉所封良宇記邠州
三水縣古商地栒縣西南三十里有古商城在龐川水西蓋
古公劉之邑卽此城也郡國都城記商國者后稷之曾孫曰
公劉始都豳商谷名也與故邠邑城相去約五十餘里漢志
注云商鄉是也史記周本紀公劉卒子慶節立國於商徐廣
曰新平漆黯之東北有商亭帝世紀公劉徙居邑於商詩
稱于商斯館今新平漆之東有商亭是也元和志邠州周之
先公劉所居之地詩大雅篤公劉于商斯館是也周本紀曰
后稷子不窋末年夏政衰奔戎翟之閒至孫公劉修后稷之
業乃國於商按商國城在今州理東北二十九里三水縣界
古商城是也括地志商州新平縣卽漢漆沮縣詩商國公劉
所邑之地也

美陽亭卽商也者美陽亭卽商亭民俗以夜市者恒譚
沂論扶風邠亭本太王所部其民有會日以相與夜中市
邠不爲期則有重災咎庾信谷移市致交買之常好留商
岐之衆難遺複案異物志徂臘民與漢人交關常夜爲市

此與齒
俗同

𠄎

右扶風縣從邑肩聲

武悲切

右扶風縣者漢志右扶風有郿縣王篇郿右扶風縣名郿陽有郿鄉詩崑高王饒于郿傳云郿地名正義云於漢屬右扶風在鎬京之西也漢書王尊傳上以尊爲郿令顏注郿右扶風之縣史記白起傳白起者郿人也正義云郿岐州縣史記封禪書秦文公東獵汧渭之閒卜居之而吉正義云括地志云郿縣故城在岐州郿縣東北十五里卽此城也帝王世紀秦文公徙汧今扶風郿縣是也三輔黃圖三輔郡皆有都尉如諸郡京輔都尉治華陰左輔都尉治高陵右輔都尉治郿

𠄎

右扶風郿夷也從邑有聲

於六切

右扶風郿夷也者漢志又扶風郿夷縣下引詩周道郿夷顏注詩作倭遲韓詩作郿夷字言使臣乘馬行於此道

𠄎

右扶風縣名從邑雩聲

胡古切

右扶風縣名者增韻鄠
杜右扶風縣今屬鳳翔

夏后

夏后同姓所封戰於甘者在鄠有扈谷甘亭從邑戶

誓胡古切

夏后同姓所封者書甘誓傳云有扈與夏同姓持親而不
恭釋文云有扈國名與夏同姓馬云扈姓之國爲無道者
戰於甘者者書甘誓大戰于甘書序啟與有扈戰于甘
之野顏注刑法志啟與有扈戰于甘之野作甘誓甘卽甘
水之上竹書帝啟二年王帥師伐有扈大戰于甘漢書人
表有扈氏顏注卽與啟戰于甘者也周書史記解有夏之
方輿也扈氏弱而不恭身外國也 在鄠者廣韻鄠縣名
在東京兆府夏之扈國秦爲鄠縣也釋文云案京兆鄠縣卽
有扈之國也甘水名今在鄠縣西寰宇記鄠縣故鄠城在
縣北二里夏之扈國也元和志鄠縣本夏之扈國昭元年
左傳夏有觀扈注云扈在始平鄠縣顏注刑法志扈國今
鄠縣是也括地志離州南鄠縣本夏之扈國也晉書地理
志始平郡鄠縣古國夏啟所伐 有扈谷甘亭者言有扈
谷亭及甘亭也漢志右扶風鄠縣古國有扈谷亭扈夏啟

說心降已復登

卷一七

三

連筠移叢書

所伐元和志扈至泰改爲鄠邑漢屬右扶風寰宇記鄠縣
 本夏有扈國也有扈鄉復有扈谷亭又有甘亭是也水經
 注河水又東北逕卷之扈亭北春秋左傳曰文公七年晉
 趙盾與諸侯盟于扈竹書紀年晉出公十二年河絕于扈
 卽于是也續漢書郡國志右扶風鄠有甘亭注云古扈國
 帝王世紀曰甘亭在縣南夏啟伐扈大戰於甘元和志甘
 亭在縣西南五里夏啟伐有扈誓師于甘之野卽此處也
 通鑑唐高祖幸鄠縣校獵於甘谷注云鄠縣有甘亭夏啟
 與有扈氏戰之地輿地記今京兆鄠縣有甘水出南山甘
 谷入渭水經渭水自槐里故城南又東合甘水馥案扈谷
 卽甘谷甘水所出北徑甘亭西

古文扈從山弓

釋山卑而大扈釋文作嶮玉

篇嶮山廣貌馥謂當作岷

從山弓者徐鍇曰從辰巳之巳
 毛詩陟彼岷兮則從戊己之己

山 右扶風鄠鄉從邑崩馨沛城父有鄠鄉讀若陪薄同切

右扶風鄠鄉者通作蒯輿地志蒯城縣故陳倉縣之故鄉
聚名也晉武帝咸寧四年分陳倉立蒯城縣屬始平郡
案晉書地理志陳倉屬扶風郡蒯城及鄠屬始平郡
城父有鄠鄉者史記高祖功臣侯年表有蒯城侯周繆
傅蒯成侯繆者沛人也索隱蒯者鄉名案三倉云蒯鄉在
城父漢書作蒯從蒯從邑今書本竝作蒯音管蒯之蒯崔
浩音薄壞反蒯讀若陪者本書蒯讀若陪位案周禮上師
爲邦佃故書佃作備集韻備部浼切姓也漢有備宗漢書
功臣表蒯成制侯周繆顏注蒯音陪又音管肯反周繆傳
更封繆爲鄠城侯服虔曰音管蒯之蒯顏注此字從蒯從
邑音蒯非也呂忱音陪而楚漢春秋作憑城侯陪憑聲相
近此其實也馥案此猶乃讀仍徵讀止老子河上公本乘
乘今其不足以無所
歸王弼本作歸備兮

右扶風鄠鄉從邑且聲

子余切

右扶風鄠鄉盤座縣從邑赤聲

呼各切

右扶風鄠鄉盤座縣者本書初印本作右扶風鄠盤座鄉
小字本李蓋本集韻類篇竝同玉篇郝右扶風盤座鄉廣

韻殷帝乙時有子期封太原郝鄉後因氏焉顏注急就篇郝京兆益陸鄉名也徐錯說謂郝扶風縣腹案漢志扶風無郝



周文王所都在京兆杜陵西南從邑豐磬

敦戎切

周文王所都者僖二十四年左傳畢原鄠郇文之昭也昭四年傳康有鄠宮之朝杜云鄠在始平通作豐書召詰王朝步自周則至于豐畢命王朝步自宗周至于豐傳云豐文王所都武成王來自商至于豐釋文豐文王所都也詩文王有豎豐水東注史記周本紀作豐邑自岐下徙都豐水經渭水云又東豐水從南來注之三輔黃圖豐水出鄠南山豐谷北入渭長安志豐水出長安縣西南五十里終南山豐谷又或作豐禹貢豐水攸同漢志作鄠云鄠水出扶風鄠縣東南北過上林苑入渭在京兆杜陵西南者徐廣史記音義豐在京兆鄠縣東皇甫謐曰豐在京兆府鄠縣豐水之西鄠康成曰豐在豐水之西鎬在豐水之東相去益二十五里也括地志豐宮文王宮也在雒州鄠縣東三十五里杜注左傳鄠國在始平鄠縣東通與鄠今京兆府長安縣西北靈臺鄉豐水上

西平

京兆縣周厲王子友所封從邑真聲宗周之滅鄭徙

澮洧之上今新鄭是也

直正切

王觀國曰漢中郡有南鄭縣京兆之鄭在西河

南之鄭在東則漢中之鄭在南故以南別之也
京兆縣周厲王子友所封者漢志京兆尹鄭縣周宣王弟
鄭公邑應劭曰宣王母弟友所封也其子與平王東遷更
稱新鄭周諱鄭出自宣王輩云鄭桓公友宣王之弟出者
鄭國之封出於宣王之世史記鄭世家鄭桓公友者周厲
王少子而宣王庶弟也宣王立二十二年友初封於鄭索
隱云鄭縣名屬京兆秦武公十一年初縣住鄭是也人系
本云桓公居域林徙拾朱忠云域林與拾皆舊地名是封
桓公乃名為鄭耳至秦之縣鄭是鄭武公東徙新鄭之後
其舊鄭乃是故都故秦始改為縣也出地理志舊案域林
諸書或作域林詩請宣王封母弟友於宗周畿內域林之
地韋注國語桓公友封於域林詩地理攷鄭縣其地一名
域林世本桓公居域林通鑑外紀宣王二十二年封季弟
友於鄭都域林是也杜預春秋世族諸鄭姬姓周厲王子
宣王母弟桓公友之後也括地志鄭故城在華州鄭縣西

說文解字義登

卷十九

左

逆釣移業書

北三里桓公友之邑秦縣之郡縣志古鄆城在華州鄭縣

西北二里按漢屬京兆後魏置東雍州改為華州

者本書年從年營讓若寧鄆從句營讀若泓從廷營音

徒典切宗周之滅鄭徙澹清之上今新鄭是也者漢志

鄭國今河南之新鄭本高辛氏火正祝融之虛也及成泉

榮陽潁川之崇高陽城皆鄭分也本周宣王弟友為周司

徒倉采於宗周畿內是為鄭鄭桓公問於史伯曰王室多

故何所可以逃史伯曰四方之國非王母弟甥舅則夷

狄不可入也其濟洛河潁之閒乎子男之國虢會為大恃

執與險宗侈貪目君若寄幣與賄周亂而敝必將背君君

以成周之眾奉辭伐罪不克矣桓公從其言乃東寄幣

與賄虢會受之後三年幽王敗桓公友其子武公與平王

東遷卒定虢會之地右雒左溱會溱焉又河南郡新鄭

下云詩鄭國鄭桓公之子武公所國後為韓所滅應劭曰

國語曰鄭桓公為周司徒王室將亂寄幣與賄於虢會之

閒幽王敗桓公友之其子武公與平王東遷洛邑遂伐虢

會而并其地而邑於此桓十一年公羊傳古者鄭國處於

雷先鄭伯有善于鄆公者通乎夫人以取其國而遷鄭焉

何云遷鄭都於鄆也鄆語乃東寄幣與賄就鄆受之十邑

皆有寄地韋云十邑謂號鄆鄆蔽補丹依昧歷華也後桓

公之子武公竟取十邑之地而居之輿地記鄭所遷廂在
今鄭州新鄭縣襄二十九年左傳爲之歌鄭賈注鄭風東
鄭是服注鄭東鄭古濟國之地隱元年左傳鄭伯克段于
鄆注云鄆在樊陽宛陵縣西南鄭今潁川鄆陵縣正義云
地理志河南郡有宛陵新鄭各自爲縣晉世分河南而立
樊陽廢新鄭而入宛陵故鄭在宛陵西南也又地理志潁
川郡有鄆陵縣韋昭注國語鄭姬姓周厲王之子宣王母
弟桓公友封於威林今京兆鄭邑是也幽王無道乃徙其
人於訖郟之間遂有其地今河南新鄭是也詩謂初宣王
封母弟友於宗周畿內威林之地是爲鄭桓公今京兆鄭
縣是其都也爲幽王大司徒甚得周衆與東土之人問於
史伯曰王室多故余懼及焉其何所以逃外史伯曰其
濟洛河瀕之閒乎是其子男之國號郟爲大號叔恃勢郟
仲恃險皆有驕侈怠慢之心加之以貪冒君若以周難之
故寄幣與賄不敢不計是驕而貪必將背君君若以成周之
衆奉辭罰罪無不克矣若克二邑鄆蔽補丹依疇歷華君
之士也修典刑以守之惟是可以少固桓公從之言然之
後三年幽王爲犬戎所殺桓公外之其子武公與晉文侯
定平王於東都王城卒取史伯所云十邑之地右洛左濟
前畢後河會溱洧今河南新鄭是也初學記陳州陳地

也古豫州城平王東遷鄭武公居之今新鄭其後韓哀侯
 滅鄭而居其地顏師古曰春秋外傳云幽王既敗鄭桓公
 歿之其子武公與平王東遷故左氏傳云我周之東遷晉
 鄭焉依又鄭莊公云吾先君新邑於此蓋道新鄭也新唐
 書宰相世系表周厲王少子友封於鄭是為桓公其地華
 州鄭縣是也生武公與晉文侯夾輔平王東遷於洛徙溱
 洧之間謂之新鄭其地河南新鄭是也王觀國曰京兆之
 鄭乃威公之封至於平王東遷洛邑武公始邑於新鄭故
 鄭莊公曰吾先君新邑
 於此先君謂武公也

△△△

左馮翊郃陽縣從邑合聲詩曰在郃之陽

侯閭切

竹書威烈王十七年

魏文侯築汾陰郃陽
 左馮翊郃陽縣者見漢志應劭曰在郃水之陽也括地志
 郃陽故城在同州河西縣南三里 詩曰在郃之陽者大
 雅大明文彼作洽傳云洽水也水經注郃陽城南有瀆水
 東流注於河水即郃水也縣取名焉元和志郃陽縣本漢
 襄縣屬左馮翊在郃水之陽詩大雅所謂在郃之陽
 是也又云郃水在舊河西縣南五里今郃陽界內

邑

京兆藍田鄉從邑口聲苦后切

樊

京兆杜陵鄉從邑樊聲附袁切

京兆杜陵鄉者徐鍇曰此卽樊川漢曰御宿在長安城南終南山北連芙蓉園曲江也通作樊詩烝民生仲山甫傳云樊侯也姓苑樊仲山甫之後因國爲氏

馮

左馮翊縣從邑庶聲甫無切

左馮翊縣者見漢志彼作鄜孟康音敷史記秦本紀初爲鄜時注云鄜縣屬馮翊馮翊馥案隋置鄜州唐宋因之寰宇記鄜州鄜城縣本漢鄜縣地屬左馮翊

鄜

左馮翊鄜陽亭從邑鄜聲同都切

左馮翊鄜陽亭者集韻類篇詩地理攷並引作鄜陽亭廣韻鄜亭名在鄜陽通作屠詩韓奕出宿于屠傳云屠地名淪水李氏曰同州有鄜谷戴君震曰詩出宿于屠屠卽鄜今西安府同州有鄜谷

由

左馮翊高陵從邑由聲

徒歷切

左馮翊高陵者陵下脫亭字玉篇左馮翊高陵縣有郵亭廣韻郵亭名在高陵

翊

左馮翊谷口鄉從邑季聲讀若寧

奴顛切

左馮翊谷口鄉者廣韻都鄉名在馮翊谷口讀若寧者襄三十年公羊春秋天王殺其弟年夫左氏作佞夫國語與人頌佞之兒佞果喪其用

隴

隴西上邦也從邑圭聲

古畦切

隴西上邦也者見漢志應劭曰史記故邦戎邑也又京兆尹有下邦應劭曰秦武公伐邦戎置有上邦故加下後漢書光武紀進幸上邦注云上邦縣名屬隴西郡故邦戎邑今秦州縣

鞏

天水狄部從邑杏聲

蒲口切

天水狄部者部猶益部冀部刺史部也後漢書宗室傳注云都部者都統其衆也

邑

邑

弘農縣庾地從邑豆聲當侯切

河南縣直城門官陌地也從邑辱聲春秋傳曰成王

定鼎于郊而蜀切

史記素隱廓謂田厚攝

河南縣直城門官陌地也者春秋昭二十二年劉子單子以王猛入于王城注云王城郊廓今河南縣漢志河南郡河南縣故郊廓地周武王遷九鼎周公致太平營以為都是為王城至平王居之郡國志洛州王城宮城西入苑故郊廓城也帝王世紀城西有郊廓陌昭二十六年左傳至於幽王天不弔周王昏不若用愆厥位攜王奸命諸侯替之而建王嗣用遷郊廓春秋傳曰成王定鼎于郊廓者宜三年左傳文注云郊廓今河南也史記楚世家昔成王定鼎於郊廓都國志周武王伐殷遷九鼎此地也水經注穀水云京相璠曰郊山名廓地邑也卜年定鼎為王之東都謂之新邑是為王城其城東南名曰鼎門蓋九鼎所從入也

卷之九 邑部 九

𡗗

周邑也從邑聲

力展切

周邑也者昭二十九年左傳王子趙車入于鄆以叛杜云鄆周邑

𡗗

周邑也從邑祭聲

側介切

周邑也者鄆省作祭廣韻祭周大夫邑名又姓周公第五子祭伯其後以爲氏倍二十四年左傳凡蔣邢茅胙祭周公之允也漢書古今人表有祭侯周公子

𡗗

河南洛陽北亾山上邑從邑亾聲

莫郎切

周書周公將致政乃作大邑於洛北因邶山以爲天下之濶也 三輔皮錄梁鴻東出關過京師作五噫之歌曰陟彼北邶兮噫 獻帝春秋董卓奉兵迎帝於北邶 續漢書孝桓鄧后以憂歿葬於北邶 皇覽呂不韋葬洛陽北邶道西 魏書孝莊紀余朱榮還晉陽帝餞於邶陰 眞詰地肺似洛中北邶山土水 謝靈運山居賦自注應璩與程文信書云故求道田在關之西南臨洛水北據邶山 陳書柳后傳葬洛陽之邶山 周興嗣千字文背邶面洛 楊佺期洛城記

北山連嶺修四百餘里實古今東洛九原之地也

志邙山在洛陽縣北四十里西山記邙山西連東垣五阜

相屬廣志洛陽北邙張公有夏梨一樹南京記隋煬帝

登北邙觀伊闕朱异田欲引曰卜田宇今京之陽而清洛

兮背修邙北堂書鈔引述征記曹真祠堂在北邙山元

甲志河南府偃師縣下云北邙山在縣北二里西自洛陽縣

界東入鞏縣界舊說云北邙山是隴山之尾乃眾山總名連

嶺修四百餘里唐新語毋嘆夢著衣冠上北邙山現友

相送及卒僚友送葬北邙山城如所夢通鑑魏帝出獵北

邙又云魏主令代人遷洛者宜悉葬邙山注云邙山在洛陽城北又

北又云陳叔寶從隋文帝登邙山注云邙山在洛陽城北又

云楊玄挺自白司馬坂逾邙山南入注云白司馬坂在邙山

北邙山在洛陽城北通作邙邙山南入注云白司馬坂在邙山

云北山洛北也謝承後漢書公孫瓚到洛陽具豚酒於此

其上祭辭先人墳塋魏志明帝即位欲平北邙令登臺使觀

見孟津廷尉辛毗諫曰天地之性高而下今而反之既非

其理加以損費人功民不堪役且若九河盛溢洪水為害而

邙陵皆夷何以禦之帝乃止晉書趙王倫傳別立宣帝廟於

邙山陳書後主紀魏河南洛陽之邙山述征記北邙洛陽北

邙嶺靡迤長阜自榮陽山連嶺修百餘里於東垣朱超石與兄

連筠篲叢

昔登北芒遠眺觀美都盡潘岳河陽縣詩修芒巒岩巖巖甚
時典詩北踰芒與河張載七哀詩北芒何巒巒高陵有四五
李善注竝云北芒山名也寰宇記芒山一作邯山
在河南縣北十里一名平逢山亦邯山之別名也
河南洛陽北芒山上邑者小字本李
蘇木玉篇類篇集韻引竝作上山

周邑

也從邑尋聲

徐林切

周邑也者昭二十二年左傳鄆勝伐皇杜預土地名云今
鞏洛渡北有鄆谷水東入洛謂之下鄆故有上鄆下鄆之
名亦謂之北鄆於是南鄆北鄆之稱矣又有鄆城益周
大夫鄆勝之舊邑昭二十三年傳鄆鄆潰杜云河南鞏縣
西南有地名鄆中郊
鄆二邑皆子朝所得

周邑

也狂河內從邑希聲

正脂切

周邑也者玉篇鄆周邑在河內野王縣西南通作緡隱十
一年左傳王取鄆劉蕢邗之田于鄆而與鄆人蘇忿生之

田溫原緡樊杜云
緡在野王縣西南

車

河內沁水鄉從邑軍警魯有鄆地

王問切

魯有鄆地者春秋昭二十九年公至自乾侯居於鄆成十六年左傳公還待於鄆杜云鄆魯西邑東郡廩邱縣東有鄆城京相璠曰公還待於鄆公羊作運字今東郡廩邱縣東八里有故運城卽此城也成四年城鄆杜云公欲叛也故城而爲備正義云公欲叛晉故城鄆以爲備當西鄆也故案此皆言西鄆文十二年季孫行父帥師城諸及鄆杜云城陽姑幕縣南有員亭員卽鄆也春秋土地名琅邪姑幕縣南四十里員亭故魯鄆邑世變其字非也成九年楚公子嬰齊伐莒莒潰楚遂入鄆杜云莒別邑也覆案此卽莒魯所爭之鄆趙孟所謂莒魯爭鄆爲日久矣是也襄十二年莒人伐我東鄆閔台季孫宿救台遂入鄆昭元年取鄆范甯曰鄆魯邑言取者叛戾不服疏云案左氏鄆爲莒邑范知魯邑者以經有城諸及鄆之文此鄆不繼莒故知魯邑也公羊傳曰鄆首何內之邑也其言取何不聽也何休云不聽者叛也是范所據之文也定六年圍鄆正義云鄆是魯邑輒曰圍之必是鄆邑叛也晉書地理志東莞郡東莞縣故魯鄆邑水經注沂水又東南逕東莞縣故城西孟康曰縣故鄆邑今鄆亭是也左氏傳曰莒魯爭鄆爲

說文解字義證

卷十九

三

連筠綴叢書

日久矣今城北鄆亭是也郡國志東莞有鄆亭今在團城
東北四十里猶謂之故東莞城矣寰宇記沂水縣下云十
三州志曰魯有東西二鄆魯昭公所居者爲西鄆在兗州
東平郡是也苦與魯所爭爲東鄆卽此縣是也續案此皆
言東

鄆也

故商邑自河內朝歌以北是也從邑北聲

補殊切

故商邑自河內朝歌以北是也者玉篇封城東曰衛南曰
鄆北曰鄆也字書封都城北曰鄆南曰鄆東曰衛六書故
受作北里之舞記所謂桑間濮上之音蓋其地也鄭詩譜
自紂城朝歌而北謂之邶周書酒誥明大命于妹邦鄭注
妹邦者紂之都所處也於詩國焉鄆故其風有沫之鄉則
沫之北沫之東朝歌也續案鄆意以沫鄉屬鄆在南沫北
爲鄆在北沫東則衛矣廣韻作鄆云紂
之畿內國名東曰衛南曰鄆北曰鄆

周武王子所封在河內野王是也從邑于聲又讀若

區況于切

周武王子所封在河內野王是也者僖廿四年左傳邢晉
應韓武之穆也杜云四國皆武王子河內野王縣西北有
邢城春秋土地名今野王西北三十里有故邢城邢臺是
也今故城當太行南路道出其中漢武帝封李壽爲侯國
後案漢書武王子傳其封李壽爲邢侯韋昭曰邢在河內
竹書帝辛元年命九侯周侯邢侯三十四年周師取者及
邢史記周本紀伐邢徐廣音義邢城在懷州河內縣西北音于
正義云括地志云故邢城在懷州河內縣西北二十七里
古邢國城也孟康注漢志河內郡野王縣云故邢國也今
邢亭是也古今人表邢侯武王子郡國志河內郡野王有
邢城注云史記曰紂以文王九侯鄂侯爲三公徐廣曰鄂
一作邢武王子封在縣西北水經注沁水又東邢水注之
其水南流逕邢城西故邢國也城南有邢臺春秋僖公二
十四年王將伐鄭富辰諫曰邢武之穆也京相璠曰今野
王西北三十里有故邢城邢臺是也通作于千姓編于本
姓邢周武王子邢叔之後子孫去邑爲于漢有于定國魏
將于禁望出

東海河南

新

殷諸侯國在上黨東北從邑初啓初古文利商書西

說文解字義證

卷十九

三

連筠篔簹書

伯戡黎

郎奚切

殷諸侯國在上黨東北者通作黎宣十五年左傳棄仲章而奪黎氏地注云黎氏黎侯國上黨壺關縣有黎亭詩序式微黎侯寓於衛其臣勸以歸也水經河水云又東北過黎陽縣南鄆注黎侯國也詩式微黎侯寓於衛是也漢志上黨郡壺關縣應劭曰黎侯國也今黎亭是邵國志上黨郡壺關有黎亭故黎國注云文王戡黎即此也晉書地理志魏郡黎陽縣故黎侯國通典潞州上黨縣古黎侯國西伯戡黎即此漢爲壺關縣元和志潞州黎城縣古黎國春秋曰晉荀林父滅潞立黎侯而還今縣東十八里黎侯城是也九域志潞州黎侯亭在黎侯嶺上商書西伯戡黎者本書戎下引書作戎書傳黎近王圻之諸侯在土黨東北正義云黎國漢之上黨郡壺關所治黎亭是也郭注爾雅引書西伯戡黎釋文作邕云國名通作者史記周本紀改著國正義云即黎國也鄭說生云本或作黎括地志云故黎城黎侯國也在潞州黎城縣東北十八里尚書云西伯既戡黎是也未徵于世家及祖伊以周西伯昌之修德滅阮國集解徐廣曰阮音耆索隱耆即黎也鄒誕生本作耆音黎詩文王正義云案殷傳云西伯得四友獻寶免於

虎口而克者大傳曰得三子獻寶紂釋
文王而出伐黎其言旣同則黎者一物

邑

晉邑也從邑召聲

寔照切

晉邑也者襄二十三年左傳齊侯伐晉成邾邾杜云取晉
邑而守之文六年左傳殺諸邾劭博物志作邾邾云河東
垣縣有邾邾之阨襄二十三年成邾邾此其地也郡國志
河東郡垣有邾亭顧炎武曰今濟源縣西一百二十里有
邾原關唐置邾原縣

邑

晉邑也從邑其聲春秋傳曰伐鄭三門

其經切

晉邑也者括地志故鄭城在陝州河北縣東十里虞邑也
馘謂晉滅虞城後爲晉邑春秋傳曰伐鄭三門者僖元
年左傳文注云鄭虞邑服虔注鄭晉別都

邑

晉邾侯邑從邑畜聲

丑六切

晉邾侯邑者襄二十六年左傳離子奔晉晉人與之鄙注
云鄙晉邑昭十四年傳晉邾侯與離子爭鄙田罪在離子

離子納其女於叔魚叔魚蔽罪邢侯孔晁注晉語云邢與
鄆比爭疆界容齋五筆云風俗通敎希姓有東海太守鄆
照顧案漢有鄆君開通褒斜道
碑鄆君卽邢侯之後以邑爲姓

晉

晉之溫地從邑侯聲春秋傳曰爭邢田

胡邁切

晉之溫地者僖二十五年左傳天子與晉文公陽樊溫原
攢茅之田晉使狐溱爲溫大夫昭三年左傳趙文子曰溫
吾縣也杜云溫趙氏邑馥謂劉子單子所云襄王勞文公
而賜之溫狐氏陽氏先處之是也春秋傳曰爭邢田者
成十一年左傳文注云鄉溫別
邑今河內懷縣西南有鄉人亭

晉

晉邑也從邑必聲春秋傳曰晉楚戰于郟

毗必切

春秋傳曰晉楚戰于郟者宣十三年經晉荀林父帥師及
楚子戰于郟杜注以郟爲鄭地水經注濟水於此又兼郟
曰春秋宣公十三年晉楚
之戰楚軍于郟卽是水也

晉

晉大夫叔虎邑也從邑谷聲

綺哉切

晉大夫叔虎邑也者卽國語郤虎也或作郤
善類鄰鄉在河內漢有郤正晉有郤超郤鑒

非

河東聞喜縣從邑非聲

補回切

河東聞喜縣者縣當爲鄉玉篇莖聞喜鄉廣韻莖鄉名在
聞喜唐書宰相世系表周孝王使非子善馬汧渭之間以
馬蕃息封之於秦爲附庸使續嬴氏號曰秦嬴非子之支
孫封莖鄉因爲氏今聞喜莖城是也唐氏族志伯益之
後封於莖鄉因爲氏後徙封解邑
乃去邑從衣韻謂唐之裴氏是其後

虞

河東聞喜聚從邑虞聲

渠勇切

河東聞喜聚者五音集韻聞喜
有鄰鄉馥秦本書邑落日聚

王

河東聞喜鄉從邑匡聲

去王切

祭

河東臨汾地卽漢之所祭后土處從邑癸聲

撥唯切

河東臨汾地卽漢之所祭后土處者通作雕漢書郊祀志
有祠與太史令談祠官寬舒議天地牲角繭栗今陞下親

祠后土后土宜於澤中圜丘爲五壇壇一黃犢牢具已祠
盡瘞而從祠衣尚黃於是天子東幸汾陰男子公孫湧洋
等見汾旁有光如絳上遂立后土祠於汾陰雒上如寬舒
等議武帝紀元鼎四年十一月甲子立后土祠于汾陰雒
上蘇林曰雒音誰如淳曰雒者河之東岸特堆廂長四五
里廣二里餘高十餘丈汾陰縣治雒之上后土祠在縣西
汾在雒之北西流與河合顏注二說皆是也雒者以其形
高起如人尻雒故以名云一說此臨汾水之上地名鄭
音與葵同彼鄉人呼葵音如誰故轉而爲雒字耳故漢舊
儀云葵上馥案漢舊儀漢法三歲一祭地於河東汾陰后
土宮宮曲入河古之祭地澤中方邱也名汾葵一曰葵邱
也水經注汾水西逕鄆邱北故漢氏之方澤也賈逵云漢
法三年祭地汾陰方澤澤中有方邱故謂之方澤邱卽鄆
邱也許慎說文稱從邑葵聲河東臨汾地名矣在介山北
山卽汾山也顧炎武曰漢孝武所立后土祠在今榮河縣
北十里地名鄆上或曰雒上又通作魁列子湯問篇以君
之力曾不能捐魁父之邱注云淮南子作魁阜謂小山如
堆阜楚詞九歌陵魁堆以蔽視兮史記趙世家贏姓將大
敗周人於范魁之西正義引賈逵云小阜曰魁

开啓

周公子所封地近河內懷從邑开啓

戶經切

周公子所封地近河內懷者僖二十四年左傳凡蔣邢茅
肥祭周公之肩也漢書人表邢侯周公子春秋僖元年邢
遷于夷儀杜云夷儀邢地漢志河內郡平舉縣應劭曰邢
侯自襄國徙此當齊桓公時衛人伐邢邢遷于夷儀其地
屬晉號曰邢邱以其在河之舉處執平夷故曰平舉臣瓚
曰春秋傳狄人伐邢邢遷于夷儀不至此也今襄國西有
夷儀城去襄國百餘里邢是邱名非國也顏注應說非也
左氏傳曰晉侯送女于邢邱蓋謂此耳水經注濟水云又
東運平舉城南按春秋宣公六年赤狄伐晉圍邢邱昔晉
侯送女于楚送之邢邱卽是此處也竹書紀年曰梁惠成
王三年鄭城邢邱司馬彪後漢郡國志云縣有邢邱故邢
國周公子所封矣又沁水云韓詩外傳曰武王伐紂到邢
邱更名邢邱曰懷春秋時赤翟伐晉圍懷是也王莽以爲
河內懷案應劭謂邢侯自襄國徙此者邢國本在襄國隱
五年曲沃莊伯以鄭人邢人伐翼莊三十二年狄伐邢杜
注並云邢國在廣平襄國縣正義云地理志云趙國襄國
縣故邢國然則於漢屬趙國於晉屬廣平开啓者玉篇
邢胡丁切左氏傳狄伐邢杜預云邢國在廣平襄國縣又

輕千切周公子所封地近河內

邑

太原縣名從邑烏聲

安古切

昭二十八年左傳晉祁勝與鄆臧通室釋文鄆舊烏戶反又音偃業地名在周者烏戶反隱十一年王取鄆畱是也在鄭者音偃成十六年戰于鄆陵是也在楚者於建反又音偃昭十三年王沿夏將入鄆是也在晉者於庶反字休乙祛反鄆璞三倉解詁音瘞於庶反關駟音厭飲之飲重言之太原有鄆縣唯周地者從烏餘皆從馬字林亦作陽音同傳云分祁氏之田以為七縣司馬彌牟為鄆大夫即太原縣也鄆臧宜以邑為氏音於爰反舊音誤讀案於爰反通志堂本作於庶反

太原縣名者諸書所引竝無名字漢志太原郡鄆縣晉大夫司馬彌牟邑曹參傳軍於鄆東蘇林曰鄆太原縣也昭二十八年左傳司馬彌牟為鄆大夫注云太原鄆縣水經注汾水云汾水於縣左馱陵迤為鄆澤廣雅曰水自汾出為汾陂其陂南接鄆呂氏春秋謂之大陸又名之曰漚漢之澤俗謂之鄆城泊又云太谷水流逕鄆縣故城南自縣

連延西接鄆澤又云侯甲水又西合于嬰侯之水
水運鄆縣故城南晉大夫司馬彌牟之邑也

福

太原縣從邑示聲

正支切

水經注汾水云侯甲水發源祁縣胡甲山有長坂謂之胡甲
嶺卽劉歆遂初賦所謂越侯甲而長驅者也蔡邕曰侯甲亦
邑名也在祁縣侯甲水又西北歷宜歲郊連太谷謂之太谷
水出谷西北流逕祁縣故城南白縣連延西接鄆澤是爲祁
鼓也卽爾雅所謂昭餘
祁矣王莽之示縣也

太原縣者廣韻祁縣名在太原左傳晉大夫祁奚之邑因
以名之漢志太原郡祁縣晉大夫賈辛邑昭二十八年左
傳晉祁勝與鄆絳通室釋文引字林祁太原
縣傳又云賈辛爲祁大夫注云太原祁縣

業

魏郡縣從邑業聲

魚怯切

魏郡縣者漢志魏郡鄆縣故大河在東北入海史
記燕世家秦拔趙之鄆正義曰卽相州鄆縣也

井

鄭地鄆亭從邑井聲

戶經切

說文解字義證

卷十九

五

連筠齋叢書

鄭地郟亭者通作邢

廣韻邢地名在鄭

郟

趙郟縣從邑甘聲

胡安切

趙郟縣者漢志趙國郟縣張晏曰郟郟山在東城下單盡也城郭從邑故加邑云水經濁漳水云牛首水又東歷郟郟阜張晏所謂郟山在東城下者也曰單盡也城郭從邑故加邑郟郟之名蓋指此以立稱矣故趙郟治也圖經郟郟單盡也郟山名謂郟山之盡所也羊頭山記郟郟城郟山名單盡也郟山至此而盡也定十年左傳衛侯伐郟郟午於寒氏杜云郟郟廣平縣也急就篇郟郟河閒沛巴蜀顏注郟郟趙國所都也王注秦郟郟漢高帝改趙國郟郟縣帝王世紀郟郟國屬趙於禹貢在冀州大陸之野昴畢之分大梁之次

郟郟縣從邑單聲

都寒切

郟

周武王子所封國在晉地從邑旬聲讀若泓

相倫切

五音集韻作郟云在河東解縣周文王子封於郟竹書昭王六年王錫郟伯命信二十四年左傳軍於郟北征賦

息郟那
之邑郟

周武王子所封國在晉地者武當爲文王篇郟伯文王子也今河東有郟城詩下泉郟伯勞之傳云郟伯郟侯也箋云郟侯文王之子僖二十四年左傳管蔡麻霍魯衛毛帥郟雍曹滕畢原鄆郟文之昭也杜云十六國皆文王子也史記晉世家咎犯與秦晉大夫盟於郟索隱云卽文王子之所封也漢書人表郟侯文王子與地廣記河中府猗氏縣有郟城文王子所封在晉地者水經注涑水云涑水又西逕郟城詩云郟伯勞之益其故國也杜元凱春秋釋地云今解縣西北有郟城服虔曰郟國在解縣東郟瑕氏之墟也余案竹書紀年云晉惠公十有四年秦穆公率師送公子重耳圍令狐桑泉曰養皆降於秦師狐毛與先軫禦秦至于廬柳乃謂秦穆公使公子縶來與師言退舍次于郟盟于軍京相璠春秋土地名曰桑泉曰襄竝杜解東南不言解明不系解可知春秋之文與竹書不殊今解故城東北二十四里有故城在猗氏故城西北鄉俗名之爲郟城考服虔之說又與俗符賢於杜氏單文孤證矣晉師退次於郟韋云郟晉地括地志郟城在猗氏縣西南四里元和志猗氏縣故郟邑在縣西南四里郟瑕氏之地

讀若說者猶都讀若字集韻郇
姓音環馥案榮榮亦作嬾嬾

郇

清河縣從邑俞啓

式朱切

清河縣者見漢志又溝洫志郇居河北顏注郇音輸清河
之縣也欒布傳以功封爲郇侯蘇林曰郇音輸清河縣也

高

常山縣世祖所卽位今爲高邑從邑高啓

呼各切

春秋相十五年公會齊侯于郇左傳齊國夏伐晉取郇
哀四年傳取郇任欒郇杜云郇卽高邑縣也燕策令栗腹
以四十萬攻郇趙使廉頗以八萬遇栗腹於郇史記燕世
家栗腹將而攻郇趙策引水圍郇鮑云卽高邑史記信
陵君傳趙王以郇爲公子湯沐邑續漢書郡國志冀州理
郇注云郇音郝今趙州高邑縣春秋保乾圖建天子於郇
之陽名

曰行皇

常山縣世祖所卽位今爲高邑者玉篇常山縣光武卽位
改爲高邑廣韻郇光武立處邑名徐廣史記音義郇在常
山今曰高邑史記素隱郇音霍趙邑名屬常山漢志常山
郡郇縣世祖卽位更名高邑韓信傳軍敗郇下李奇曰郇

晉漢雁之驢常山縣也光武卽位於此故改曰高邑東觀
漢記上所與長安同舍諸生強華自長安奉赤符詣郿與
上會羣臣復伏固請乃命有司設壇郿之千秋亭六月卽
皇帝位後漢書光武紀於是命有司設壇場於郿南千穽
亭五成陌六月己未卽皇帝位建元爲建武改郿爲高邑
郡國志常山國高邑故郿光武更名刺史治有千秋亭五
城陌光武卽位於此矣班固傳立號高邑建都河洛注云
言光武卽位於郿而改郿爲高邑也帝王世紀光武以武
信侯進封蕭王及卽位於郿更名高邑魏書地形志高邑
前漢曰郿後漢光武改十道志高邑縣趙房子之邑竹書
紀年作魴子漢以爲郿縣後漢復改爲高邑晏氏類要高
邑縣本戰國時趙房子邑漢屬常山郡趙記曰惠文王四
年城之是也後併入郿縣光武卽位更名高邑通典趙州
高邑縣漢之郿縣光武卽位更名高邑又柏鄉縣漢郿縣
地漢光武卽位壇在此元和志柏鄉縣本春秋時晉郿邑
之地漢以爲縣屬常山郡後漢光武卽位於郿南千秋亭
五城陌因改曰

高邑

郿常山國

鉅鹿縣從邑泉晉

率遙

切

靈石楊氏

鉅鹿縣者見都國志光武紀擊銅馬於鄆注云縣名屬鉅鹿郡故城在今冀州鹿城縣東鄆音古堯反前書紀年曰衛鞅封于鄆臣賢按下文云失漢將突騎來會清陽又追至館陶竝與鄆相近史記仲尼弟子鄆單徐廣曰鉅鹿有鄆縣或作鄆地理志鉅鹿郡有鄆縣寢字記東鹿縣鄆城漢邑名廢城在縣東



涿郡縣從邑莫聲

慕各切

涿郡縣者見漢志應劭曰音莫案唐開元十三年衛包以鄆類鄭去邑作莫今任邱縣卽其地史記趙世家燕鄭易索隱云皆屬涿郡



北地郁郅縣從邑至聲

之日切

北地郁郅縣者見漢志周地圖郁郅城今名蔚季城在白馬嶺兩川交口水經注尉季亦曰不羸疑郁郅之訛也元和郡縣志慶州順化縣不羸故城在焉秦始皇時爲北地本漢郁郅縣



北方長狄國也在夏爲防風氏在殷爲汪茫氏從邑

變替春秋傳曰鄆瞞侵齊

所鳩切

漢書五行志秦始皇帝二十六年有大人民五

丈足履六尺皆夷狄服凡十二人見于臨洮

北方長狄國也者左傳釋文引同穀梁傳長狄兄弟三人

佚宕中國瓦石不能害叔孫得臣最善射者也射其目身

橫九嶽斷其首而截之眉見於軾左傳敗狄于鹹獲長狄

僑如杜注僑如鄆瞞狄國之君蓋長三丈杜夏爲防風

氏在殷爲汪苾氏者左傳釋文引同木書嶠封嶠之山在

吳楚之間汪苾之闕左傳釋文亦引作苾魯語吳伐越墮

會稽獲骨節節專車吳子使好來聘且問之仲尼曰敢問

骨何爲大仲尼曰邱聞之昔禹致羣神於會稽之山防風

氏後至禹殺而戮之其骨節專車此爲大矣客曰防風氏

何守也仲尼曰汪苾氏之君也守封隅之山者也爲漆姓

在虞夏商爲汪苾氏於周爲長翟今爲大人客曰人長之

極幾何仲尼曰焦僂氏長三尺短之至也長者不過十

數之極也韋昭云封山隅隅山在今吳郡永安縣周世

其國北遷爲長翟也春秋傳曰鄆瞞侵齊者文十一年

左傳文注云鄆瞞狄國名防風之後漆姓



炎帝太嶽之脗甫侯所封在潁川從邑無聲讀若許

虛呂切

考古圖有鄒鼎銘 通作許春秋隱十年公及齊侯鄭伯入許杜云許潁川許昌縣正義云許姜姓與齊同祖堯四岳伯夷之後也周武王封其苗裔文叔于許今潁川許昌是也靈公徙葉冲公遷夷一名城父又居析一名白羽許男斯處容城自文叔至莊公十一世始見春秋元公子結元年獲麟之歲也當戰國初楚滅之成十五年左傳許靈公畏偏于鄭請遷于楚楚公子申遷許于葉杜云葉今南陽葉縣也襄十一年傳晉荀密東侵舊許注云許之舊國鄭新邑正義云謂之舊許明是許之舊國許南遷而鄭得之

炎帝太嶽之脗者顏注急就篇太嶽之脗有姜姓者封於許國其後爲楚所滅末裔姓許隱十一年左傳夫許大岳之脗也杜云大岳神農之後堯四岳也正義云周語稱共工伯鯀二者皆黃炎之後言鯀爲黃帝之後共工爲炎帝之後炎帝則神農之別號周語又稱堯命禹治水共之從孫四岳佐之胙四岳國命爲侯伯賜姓曰姜氏曰有呂賈

遠云其共工也從孫同姓末嗣之孫四岳官名大岳也主
四岳之祭焉後炎帝之姓其後變易至於四岳帝復賜之
祖姓以紹炎帝之後以此加大岳是神農之後堯四岳也
以其主岳之祀尊之故稱大岳許國是其後也周語申呂
雖德齊許猶在申注申呂四岳之後商周之世或封於申
齊許其族也 甫侯所封者詩於高維嶽降神生甫及申
傳云堯之時姜氏爲四岳之祀述諸侯之職於周
則有甫有申有齊有許也堯云四嶽鄰士之官掌四時者
也周主方嶽巡守之事在堯時姜姓爲之德當嶽神之意
而福與其子孫寔漢夏商世有國土嶽之甫也申也齊也
許也皆其前胃揚之水不與我成甫傳云甫諸姜也又云
不與我成許傳云許諸姜也正義云尙書有呂荆之篇禮
記引之皆作甫荆書呂荆傳云呂侯命爲卿後爲甫侯
故稱甫荆 在潁川者本書敘曾自小子祖自炎神縉雲
相黃共承高辛太岳佐夏居叔作潘俾侯於許世祚遺靈
自彼徂召宅此汝頡復案許在潁川許公則居汝南召陵
也地理志潁川郡許縣故國姜姓四岳後大叔所封二十
四世爲楚所滅春秋隱十一年公及齊侯鄭伯入許注云
許潁川許昌縣正義云漢世名許縣魏武作相故曰許昌
括地志許故城在許州許昌縣南三十里本漢許縣故許

國也水經注河水云許昌縣故許男國也姜姓四岳之後矣讀若許者史記鄭世家鄭公惡鄭於楚徐廣曰鄭音許

人

穎川縣從邑亢聲

苦浪切

穎川縣者後漢書黃瓊傳注引同又云漢穎川有周承休侯國元始二年更名曰郟菴案物理論古有郟師之刀此以地為姓

邑

穎川縣從邑畏聲

於建切

穎川縣者見漢志通作郟集韻郟地名在鄭春秋隱元年鄭伯克段於郟杜注郟今穎川郟陵縣成十六年晉侯及楚子寡伯戰于郟陵杜注郟陵鄭地今屬穎川郡

人

穎川郡從邑夾聲

工洽切

穎川縣者見漢志後漢書光武紀有五鳳皇見於穎川之郟縣注云郟今汝州郟城縣也

新郟

新郟汝南縣從邑妻管

七稽切

新郟汝南縣者見漢志應劭曰秦伐魏取郟邱漢興爲新郟章帝封殷後更名宋顏注封於新郟號爲宋國巨戴同曰按戰國策魏已有新郟複案魏策大王南有無陽新郟是也史記魏世家秦拔我郟邱集解徐廣曰郟邱今爲宋公縣水經注潁水云細水逕宋縣故城北縣卽所謂郟邱者也秦伐魏取郟邱謂是邑矣漢成帝綏和元年詔封殷後於沛以存三統平帝元始四年改曰宋公章帝建初四年徙邑於此故號新郟爲宋公國也漢書賈誼傳梁起於新郟以北著之河濱注新郟潁川縣也續案潁川當爲潁州續漢書郡國志汝南郡宋公國周名郟邱漢改爲新郟章帝建初四年徙宋公於此光武郭皇后紀后從兄竟以騎都尉從征伐有功封爲新郟侯注云新郟縣屬汝南郡故城在今潁州汝陰縣西北郟邱城是也

息

姬姓之國在淮北從邑息晉今汝南新郟

相卽切

姬姓之國者通作息郡國志汝南郡有新息國懿十一年左傳鄭息有違言息侯伐鄭杜云息國汝南新息縣正義

云世本息國姬姬此息侯伐鄭責其不親規知與鄭國同
 姬姓也莊十四年傳楚文王滅息其初則不知誰之子何
 時封也今汝南新鄆者漢志汝南郡有新鄆縣孟憲曰
 故息國其後東徙故加新云魏素隱十一年左傳正義引
 作應劭語凡辨之云若其後東徙當云故息何以反加新
 字乎蓋本自他處而徙此也定四年左傳左司馬戎及息
 而遺杜云息汝南新息也後漢書賈復傳南擊召陵新息
 注云新息縣名屬汝南郡故城在今豫州新息縣西南也

𡗗

汝南邵陵里者許沖表作召陵本書敘自彼徂召漢志作

也

汝南邵陵里者許沖表作召陵本書敘自彼徂召漢志作
 邵陵李陽冰以為許公所居之里案許公居萬歲里非此
 也

𡗗

汝南鰲陽亭從邑旁督

步光切

𡗗

祭邑也從邑昊聲春秋傳曰鄭陽封人之女奔之

古切

蔡邑也者杜注左傳鄭陽蔡邑 春秋傳曰鄭陽封人之
女奔之者昭十九年左傳文二十三年傳楚太子建之母

在鄭注云
鄭鄭陽也

𡗗

曼姓之國今屬南陽從邑登聲

徒豆切

曼姓之國者顏注急就篇鄧古國名本曼姓也春秋桓二
年蔡侯鄭伯會于鄧杜云潁川召陵縣西南有鄧城正義
賈服以鄧爲國言蔡鄭會于鄧之國都釋例以此潁川鄧
城爲蔡地其鄧國則義陽鄧縣也昭十二年傳盟于鄧村
云潁川召陵縣西南有鄧城土地名云鄧義陽鄧縣也
索晉書地理志義陽郡鄧縣故鄧侯國桓九年左傳巴子
使韓服告于楚請與鄧爲好桓十一年傳爲公娶鄧曼子
云曼鄧姓昭九年傳巴濮楚鄧吾南土也鄧語申呂應鄧
韋云鄧曼姓史記楚世家文王二年伐申過鄧正義故鄧
城在襄州安養縣北二十里春秋之鄧國莊十六年楚文
王滅之服虔曰鄧曼姓也史記屈原傳魏問之襄楚至鄧
索隱鄧在漢水北故鄧侯城也 今屬南陽者漢志南陽
郡鄧縣故國應劭曰鄧侯國翟方進傳傳送鄧獄顏注鄧
亦南陽之縣潛夫論曼姓封於鄧後因氏焉南陽有鄧縣

五音集韻鄧戰國時地屬
楚昭襄王取韓置南陽郡

鄧

切

鄧國地也從邑憂啓春秋傳曰鄧南鄙鄧人攻之求於

鄧國地也者郡國志南陽郡鄧有鄧聚注云左傳桓九年
楚師圍鄧水經注清水又南逕鄧塞東又逕鄧城東古鄧
子國也蓋鄧之南鄙也昔巴子請楚于鄧爲好鄧人奪其
幣卽是邑也司馬彪以爲鄧之鄧聚矣荆州記樊城西
有鄧城卽春秋所稱鄧子之國光武云宛最強鄧次之卽
爲此鄧城西北行十餘里鄧侯國爲楚文王所滅今爲鄧
縣通典襄陽郡臨漢下云有鄧城卽鄧子國寰宇記襄州
鄧城縣有古鄧城春秋傳曰鄧南鄙鄧人攻之者桓九
年左傳文彼云鄧南鄙鄧人攻而奪
之幣杜注鄧在今鄧縣南沔水之北

鄧

南陽清陽鄉從邑号啓

乎刀切

南陽清陽鄉者字書鄂鄉在
南陽廣韻鄂鄉名在清陽

𨾏

南陽棗陽鄉從邑巢聲

鈕交切

南陽棗陽鄉者後漢書臣者傳注引作棘陽漢志南陽郡有棘陽縣郡國志同

𨾏

今南陽穰縣是從邑襄聲

汝羊切

今南陽穰縣是首漢志南陽郡穰縣顏注今鄧州穰縣是也徐鍇曰卽秦穰侯魏冉之所封假借穰字

𨾏

南陽穰鄉從邑婁聲

力朱切

南陽穰鄉者玉篇鄉南陽鄉縣鄉複案史記婁敬當作婁以地爲姓

𨾏

南陽西鄆亭從邑里聲

良止切

𨾏

南陽舞陰亭從邑羽聲

正榮切

南陽舞陰亭者徐鍇曰漢書藝文志有別羽陽亭賦羽假借

𨾏

故楚都柱南郡江陵北十里從邑呈聲

以整切

故楚都者僖十二年左傳自郢及我九百里杜云郢楚都
襄十四年傳楚子囊將外遺謂子庚必城郢吳語遂至
於郢韋云郢楚都也秦策襄郢又云天下方釋梁郢高注
竝云郢楚都也楚詞九章發郢都而去閣兮荒忽其高極
齊策郢郢者楚之柱國也高云柱國都也越絕書郢者何
楚王治處也史記楚世家文王熊賁立始都郢周本紀周
絕於秦必入於郢矣正義郢楚都也漢書地理志文王徙
郢司馬相如傳郢郢績紛李奇曰郢楚都也王觀國曰史
記周成王封熊繹於荊蠻爲楚子居丹陽楚文王自丹陽
徙郢楚頃襄王自郢徙陳楚考烈王自陳徙壽春命曰郢
觀國家前漢地理志曰江陵故楚郢都楚既廢徙至壽春
則去郢遠矣地既非郢而猶命曰郢者名貴其所自出故
也在南郡江陵北十里者莊子天運篇南行者至於郢
釋文郢楚都也在江陵北史記貨殖傳江陵故郢都正義
荆州江陵縣故爲郢楚之都漢書地理志南郡江陵縣故
楚郢都楚文王自丹陽徙此後九世平王城之後十世秦
拔我郢徙東古文苑楚相孫叔敖碑楚都南郢後案衛公
子郢字子南則古有南郢之名矣夢溪筆談今郢州本謂
之北郢亦非古之楚都或曰楚都在今宜城界中有故城
尙在亦不然也此郢也非郢也據左傳楚成王使鬬宜申

爲高公治漢拆江將入郢王在清宮下見之沿漢至於夏
口然後拆江則郢當在江上不任漢上也又在清宮下見
之則清宮蓋在郢也楚始都丹陽在今枝江文王遷郢昭
王遷都皆在今江陵境中杜預注左傳云楚國今南郡江
陵縣北紀南城也謝靈運鄴中集詩云南登宛郢城今江
陵北十二里有紀南城卽古之郢都也又謂之南郢懷宇
記荆州江陵縣故郢城在縣東北一十二里漢志有郢縣
云楚別邑杜預以爲史所言郢者卽州北紀南城是盛宏
之荆州記云昭王十年吳通漳水灌紀南入赤
湖進灌郢遂破楚則是先攻紀南而後破郢也

郢或省



南郡縣孝惠三年改名宜城從邑焉聲

於乾切

南郡縣孝惠三年改名宜城者漢志南郡宜城縣故郢惠
帝三年更名司馬相如傳郢鄢縉綺李奇曰郢今宜城縣
也後漢書光武紀幸宜城注云縣屬南郡楚之郢邑也故
城在今襄州幸道縣南吳任臣曰路史國名紀郢地有三
楚之郢都襄陽之宜城也鄭伯克段于郢開封
之郢陵也若穆叔如莒及郢陵則沂之安陵也



江夏縣從邑咍聲

莫杏切

江夏縣者見漢志史記蘇秦傳塞郾阨集解郾江夏郡縣
正義申州羅山縣本漢郾縣申州有平清關蓋古音縣之
阨塞楚世家涉郾塞徐廣曰今江夏元和志申州鍾山縣
本漢郾縣地屬江夏郡通作冥史記無忌說魏安僖王曰
秦不敢攻冥阨之塞徐廣曰卽郾縣也定四年左傳還塞
大隧直轅冥阨高誘曰在楚望于非攻篇吳闔閭次注林
出冥隘之徑戰於柏舉 電警者
蘇林音首顏師古萌又音莫欣反



南陽陰鄉從邑葛聲

古達切

南陽陰鄉者漢志南陽有陰縣廣韻柳鄉
名在南陽通作葛書仲虺之誥自葛載



江夏縣從邑學聲

五各切

江夏縣者見漢志廣韻鄂國名在武昌輿地記今鄂州武
昌楚之東鄂也漢爲江夏鄂縣孫權改爲武昌水經注江
水云江之右岸有鄂縣故城舊其楚地世本稱熊渠封其
中子紅爲鄂王晉太康地記以爲東鄂矣九州記曰鄂今

武昌也孫權以魏黃初元年自公安徙此改曰武昌縣鄂
縣徙治于袁山東又以其年立爲江夏郡分建業之民千
家以益之複案南陽有西鄂
縣叔虞所封故此稱東鄂

南陽縣從邑已聲

居擬切

南陽縣者當作南郡漢志南郡有鄂縣王爲南郡有鄂縣
廣韻曰縣名在南郡郡國志南郡鄂侯國有鄂邱城注云
朱祐禽秦豐蘇嶺山案岑彭傳云南郡人秦豐據黎邱注
引東觀記曰豐即縣人王旅傳封長子柱爲鄂侯注云鄂
縣屬南郡故城在今襄州史記索隱云鄂縣屬南郡習鑿
齒襄陽耆舊記襄陽有鄂縣潛邱割記古諺云鄂無東以
其東通漢江界促近也 已替者孟康音忌
頌師古音其己反周成雜字解詁云鄂音忌

江夏縣從邑朱聲

陟輪切

江夏縣者漢志江夏郡都縣衡山王吳芮都史記楚世家
陸終生子六人五曰曹姓集解云世本云曹姓者都是也
括地志故都國在黃州黃岡縣東南百二十一里輿地廣
記竟州鄂縣都文公所遷邑楚滅之遷之江夏故江夏亦

有郟城今為黃州黃岡縣元和志黃州黃岡縣故郟城在
 縣東南一百二十里古郟國也後為楚所滅漢以為縣寰
 宇記復州景陵縣郟縣故城在縣東徐銘本有一曰魯有
 小郟國七字錯日案杜預曰魯國郟縣也腹案本書郟下
 云魯縣古郟國左氏春秋隱元年公及郟儀父盟于茂莊
 五年郟挈來來朝杜云東海昌慮縣東北有郟城後為小
 郟



漢南之國從邑員營漢中有郟關

羽文切

漢南之國者漢置江夏郡竟陵縣郟郡楚郟公邑柳國志
 江夏郡竟陵侯國有郟鄉桓十一年左傳郟人軍於蒲騷
 注云郟國在江夏雲杜縣東南有郟城襄九年傳使皇郟
 命校正出馬定四年傳楚王奔郟郟公辛之弟懷將弑王
 哀十二年傳衛侯會吳於郟史記吳世家楚昭王出郟
 奔郟服虔曰郟楚縣伍子胥傳王走郟索隱郟古之郟國
 括地志安州安陸縣城本春秋時郟國城也十道志安州
 安陸郡春秋郟子之國後楚滅郟圍辛封為郟公則其地
 也元和志安州春秋時郟國後為楚所滅漢為安陸縣通
 鑑蕭衍曰使郟城竟陵之粟方舟而下注云安陸春秋郟

子之國故曰鄆城字或作鄆宣四年左何符敖宴於鄆注
云鄆國名釋文鄆本又作鄆通典安州春秋鄆子之國其
夢之澤在焉後楚滅鄆封鄆辛爲鄆公卽其地也又通作
員成七年左傳內鄆公釋文本亦作員首云邑名漢書人
表員公辛顏注員讀曰鄆華陽國志漢中志員鄆縣本名
長利縣縣有員關漢中有鄆關首漢志漢中郡長利縣
有鄆關史記貨殖傳南陽西通武關鄆關徐黃曰按漢中
亦作鄆字水經柱沔水云漢水東逕鄆縣故城南謂之
鄆鄉鄆縣故黎也卽長利之鄆鄉矣地理志曰有
鄆關字奇以爲鄆子函晉太康五年立以爲縣

鄆

南夷國從邑庸聲

余封切

南夷國者趙宦光曰春秋楚人秦人巴人滅鄆石經從邑
通行公車本但用庸左傳庸蜀羌蠻史記楚世家熊渠乃
與兵伐庸又云是成滅庸正義房州竹邑縣今是也地
志房州竹山縣本漢上庸縣古之庸國昔周武王伐紂庸
蠻在

鄆

蜀縣也從邑卑聲

符支切

蜀縣也者漢志蜀郡有郫縣後漢書城官傳復及我繁郫
注云郫縣名屬蜀郡故城在今益州郫縣北寰宇記益州
郫縣古郫邑秦滅蜀因而縣之李膺記郫縣益州之勝邑
讀案杜甫詩有郫蒲用以飲酒細竹長節郫地所生通作
稗木書辰讀若稗縣唐宋時貢稗布以
郫縣出絲也 卑啓者顏師古音疲

蜀

蜀江原地從邑蜀啓

市流切

蜀江原地者漢志蜀郡江原縣
鄰水首受江南全舞陽入江

蜀

蜀地也從邑籍啓

秦昔切

蜀地也者字書郫郡在臨邛廣韻昔部鄰下云地
名在蜀又鐸部鄰下云地名在蜀亦姓出蒼詒篇

蜀

蜀廣漢鄉也從邑蔓啓讀若蔓

無版切

蜀廣漢鄉也者蜀郡
無廣漢縣當是廣郡

什

什加廣漢縣從邑方啓

府反切

什邡廣漢縣者見漢志漢高帝封雍閼什邡廣漢什邡縣在漢州史記功臣侯年表作計邡如淳曰計首什

馬

邡鄂捷爲縣從邑馬聲

莫駕切

邡鄂捷爲縣者見漢志本書無邡字玉篇邡邡鄂縣在捷爲華陽國志南中志存邡縣雍閼反結壘於縣山繫馬柳杜生成林今夷言無雍梁夷言馬也寰宇記戎州南溪縣有唐歸順鎮後分邡鄂縣就鎮置縣馬聲者顏師古音莫亞反

特

特柯縣從邑敝聲讀若特雉之特

必殺切

特柯縣者見漢志彼作特柯玉篇特柯郡有特縣特水所出廣韻特水名在特柯地道記不狼山特水所出華陽國志蜀志特故捷爲地特有特山見保乾圖蜀王木紀有特令讀若特雉之特者孟康曰特言特

地

地名從邑包聲

布交切

地名者廣韻卽邑名

說文解字義證

卷十九

美

連筠移叢書

西夷國從邑

持警安定有朝那縣

諾何切

安定有朝那縣者見漢志應劭曰朝那故戎郿邑也後漢書王常傳常別擊破隗囂將破於朝那注云朝那縣屬安定郡也史記文帝紀匈奴謀入邊為寇攻朝那塞殺北地都尉印覆案北征賦弔尉印於朝那

番

鄱陽豫章縣從邑番警

浦波切

鄱陽豫章縣者見漢志括地志饒州鄱陽縣存秋時為楚東境秦為番縣屬九江郡漢為鄱陽縣也番警者孟庚

音

雨

長沙縣從邑需警

郎丁切

長沙縣者見漢志郡國志長沙郡郡注云荆州記曰有需湖周迴三里有取湖水為酒酒極甘美需警者孟康音給

桂

陽縣從邑林警

甘林切

桂陽縣者漢志桂陽郡郴縣項羽所立義帝都此史記項羽本紀項王使人從義帝曰古之帝者地方千里必居上

游乃使使徙義帝長沙郴縣通典郴州下云項羽徙義帝於長沙都郴卽此地也漢初以其地爲桂陽郡縣有郴水字書郡陽縣有

郴水下入郴

𡗗

今桂陽郡陽縣從邑柔聲

盧對切

今桂陽郡陽縣者見漢志彼作未顏注在末水之陽也

𡗗

會稽縣從邑賈聲

莫侯切

會稽縣者見漢志云餘姚本鄞縣之地輿地志邑人以其海中物產於山下貿易因名鄞縣元和志明州鄞縣本漢舊縣屬會稽郡

賈管者五康音賈

𡗗

會稽縣從邑莖聲

五語斤切

會稽縣者見漢志郡國志鄞章安故治閩越地光武更名注云本鄞縣南之迴浦鄉章帝章和元年立又順帝紀注

云郡故城在

鄞縣東南

沛郡從邑米聲博蓋切

盛古百二日沛

當為沛郡從市

沛郡者漢志沛郡故秦泗水郡高帝更名史記高祖本紀高祖沛豐邑中陽里人集解李斐曰沛小沛也孟康曰後沛為郡索隱云按漢改泗水為沛郡治相城故注以沛為小沛也

宋下邑從邑丙聲兵永切

宋下邑者宋常為鄆春秋隱八年鄆伯使宛來歸鄆公羊傳鄆者何鄆湯沐之邑也左傳作祊杜注祊鄆祀泰山之邑在琅邪費縣東南馥案今費縣有祊水因邑名之隸釋漢樊毅脩西嶽廟碑自古太山鄆邑猶存


沛國縣從邑虛聲昨何切

本書為沛人言

若虛虛當作鄆

沛國縣者漢志沛郡鄆縣莽曰贊治應劭音嶮顏注此縣本為鄆應音是也中古以來借鄆字為之可讀皆為鄆而


芥呼爲贊治則此縣亦有贊音故秦沛郡後漢更爲沛國許公據當時所稱也疑字記郡縣漢縣屬沛郡今地名卽鄆亭是姚察云南陽鄆音贊此沛鄆音嵯錢君大昕曰今永城縣東有鄆陽集土人讀如嵯卽何所封也徐鍇本有今鄆縣三字後人加之

地名從邑少聲


苦沼切

地名者玉篇

卽魯地名

地名從邑臣聲


植鄰切

宋地也從邑鏡聲讀若鏡

上咸切

宋地也者惠棟曰哀十七年左傳宋皇瑗之子縻有友曰田丙而奪其兄鄆般邑以與之說文鄆宋地也疑般采邑

讀若鏡者昭三年左傳饒鼎之銘服虔云饒地名禹靖九鼎於甘護之地故曰饒鼎

宋魯閔地從邑晉聲

卽侈切

宋魯開地者春秋莊十一年公敗宋師于郟范甯云郟魯地杜注左傳同



周文王子所封國從邑告啓

古到切

周文王子所封國者漢書人表郟子文王子郟國志濟陰郡成武有郟城桓二年左傳以郟大鼎賂公杜云郟國造器也故繁名於郟濟陰城武縣東南有北郟城正義云劉君以南郟北郟共宋邑別有郟國以規杜氏



衛地今濟陰郟城從邑聖啓

古擇切

衛地者春秋莊十四年單伯會齊侯郟伯于郟范甯云郟衛地襄十四年左傳公如郟杜云郟衛地今濟陰郟城者漢志濟陰郟有郟城魏以臨淄侯植為郟城侯元印志濮州在漢為濟陰郟之郟城也通雅郟城古顛項之墟春秋衛城公郟此漢為濟陰郟城縣今為山東濮州馬東昌府



郟地任濟陰縣從邑工啓

集容切

郟地任濟陰縣首集韻引作地名任濟陰韻會引亦無縣字

祝融

切

祝融之後妘姓所封澗洧之間郟滅之從邑會營外古

僖三十三年左傳微而葬之郟城之下服注郟城古郟國之
虛杜注郟城故郟國在羹陽密縣東北括地志故郟城在
郟州新郟縣東北三十二里竹書帝密十六年帝使重帥
師滅有郟周書史記解昔有郟君嗇儉滅虜損祿羣臣卑
讓上下不臨後口小弱禁罰
不行重氏伐之郟君以匹

祝融之後妘姓所封者鄭語妘姓郟郟路偃陽韋云陸終
弟四子曰求言為妘姓封於郟郟今新郟也通作會史記
楚世家陸終生子六人四曰會人索隱云系本云四曰求
言是為郟人宋忠曰求言名也姬姓所出郟國也漢書地
理志子男之國號會為大顏注會讀曰郟又通作會詩譜
檜者占高辛氏火正祝融之墟澗洧之間者史記集解
引虞翻曰檜國在禹貢豫州外方之北禁波之南居秦道
之間水經注洧水出對檜云郟在豫州外方之北郟於
號都禁之南左濟右洛居兩水之間會秦海島王肅
曰周書王封祝融之後於濟洛河頽之間為郟子

說文解字義證

卷十九

七

連筠彛叢書

鄭

鄭邑也從邑元聲

虞遠切

鄭邑也者徐踏曰杜預云秦地此云鄭地傳寫誤馮案文四年左傳晉侯伐秦圍邠新城

邠

鄭地從邑延聲

以然切

鄭地者宣三年左傳晉侯伐邠及邠注云邠鄭地十二年傳楚子北師次于邠注云邠鄭北地通作延隱元年傳大叔又收貳以爲己邑至于廩延杜云廩延鄭邑陳留酸棗縣北有延津

郟

郟郟莒邑夏聲春秋傳曰取郟

古杏切

取郟莒邑者郡國志琅邪郡莒本國故屬城陽春秋傳曰取郟者昭十年左傳文注云郟莒邑

郟

郟姓之國從邑禹聲春秋傳曰邠人藉稻讀若規築

之築

王築切

玉篇郟國今琅邪開陽縣廣韻邠子國在琅邪其後漢國爲姓漢志東海郡開陽縣故邠國郡國志琅邪國開陽

春秋昭十八年邾人入郚杜注郚國在琅邪開陽縣水經注沂水又南逕開陽縣故城東縣故郚國也春秋左傳昭公十八年邾人襲郚盡俘以歸郚子曰余無歸矣從季於郚是也後更名開陽矣春秋哀公三年經書季孫斯叔孫州仇帥師城啟陽者是矣

郚姓之國者杜注左傳云郚妘姓國也正義郚爲妘姓世本支也春秋傳曰郚人藉稻者昭十八年左傳文唐詩紀事李百藥七歲能屬文齊中書舍人陸又嘗過其父德林有說徐陵文者云藉琅邪之稻坐客並不識其事百藥進曰傅稱郚人藉稻注云郚國在琅邪開陽縣人皆爲喜云此兒卽神童讀若規築之築者左傳釋文郚許慎郭璞皆音矩

山

魯縣古邾國帝顓頊之後所封從邑芻聲

側鳩切

鄒山記騶山古之嶧山邾文公之所卜山下是鄒縣本是邾國魯穆公改騶山從邑變故謂鄒山世本邾顏居邾肥徒邾復柔徙邾者後封爲小邾子六書古春秋時邾莒用夷故邾謂之邾婁婁亦爾音力俱切者合邾婁之音爲邾力溝說文解字義證卷十九

早

連筠篔簹書

司者合邦婁之音為鄒也

魯縣者漢志魯國駱縣故邦國曹姓二十九世為楚所滅

釋山在北應劭曰邦文公卜遷于嶧者也古邦國者元

和邦縣志鄒縣故邦國魯之附庸魯穆公改邦為鄒因鄒

山以為縣史記孟子列傳孟軻鄒人也索隱鄒魯地名又

云邦邦人徙鄒故也春秋宣十年公孫歸父帥師伐邦取

釋文十三年左傳邦文公卜遷于釋杜注拉云釋邦邑魯

國鄒縣北有釋山正義邦都本在鄒縣北有釋山徒都於

彼山旁山旁當有舊邑故曰釋邦邑也史記吳世家為駱

儀魯索隱云左傳駱作邦杜預注左傳亦曰邦今魯國駱

縣是也駱邦聲相近自亂自駱宜作邦帝顓頊之後所

封者玉篇鄒魯縣也古扶風附庸國顓頊之後所封通典

邦國黃帝之後陸終之子曹姓所封今鄒縣也齊乘云通

志顓頊帝元孫陸終氏第五子晏安賜姓曹封于邦子孫

以邦為姓周武王封晏安之裔邦挾為附庸自挾至儀父

十二世始見春秋儀父附從齊桓定霸有功進爵稱子十

四世邦文公遷于釋改稱鄒趙臺卿曰至孟子時改曰鄒

非也

邑

邾下邑地從邑余聲魯東有邾城讀若塗

同都切

魯東有邾城者昭元年左傳周有徐奄服虔云魯公所伐徐戎也馥案史記齊世家田常執簡公于徐州索隱云徐字從人說文作邾並音舒讀若塗者木書無塗字易田邾來徐徐子夏傳作茶茶先鄭注考工記茶讀為舒舒徐也詩別舒是懲史記建元以來侯表作荆茶

附庸

附庸國在東平亢父邾亭從邑寺聲春秋傳曰取邾

書之切

附庸國者公羊春秋取詩傳云詩者何邾婁之邑也孟子天子之制地方千里公侯皆方百里伯七十里子男五十里凡四等不能五十里不達於天子附於諸侯曰附庸在東平亢父邾亭者六書故引作亢父縣有邾亭玉篇任城亢父縣有邾亭通作詩漢志東平國亢父縣詩亭故詩國春秋傳曰取邾者襄十三年經文杜云邾小國也任城亢父縣有邾亭左傳邾亂分為三師故邾遂取之

覓之詳字彙登

卷十九

丑

連筠移叢書

邑

魯下邑孔子之鄉從邑取聲

側鳩切

魯下邑孔子之鄉者襄十七年左傳師叔紇杜注叔梁紇
 檀弓孔子少孤不知其墓問於鄒曼父之母或作鄒論語
 無謂鄒人之子知禮乎孔安國曰鄒孔子父叔梁紇所治
 邑也文十五年左傳卞人以書正義云治邑大夫例呼爲
 人孔子父爲鄒邑大夫謂之鄒人唐石經左傳卞人紇水
 經注引作鄒通作陬史記孔子世家孔子生魯昌平鄉陬
 邑集解孔安國曰陬孔子父叔梁紇所治邑索隱陬是邑
 名昌平鄉號孔子居魯之陬邑昌平鄉之闕里也又通作
 鄒易是類謀不知聖人姓在鄒注云鄒孔子父叔梁紇所
 治邑也矣水經注魯國鄒山卽嶧山邾文公所遷叔梁紇
 之邑孔子生此左傳釋文

成

魯孟氏邑從邑成聲

氏征切

魯孟氏邑者史記正義引同春秋桓三年公會杞侯于鄆
 注云鄆魯地襄十六年左傳齊侯圍鄆杜云鄆魯孟氏邑
 列子天瑞篇孔子遊於太山見榮啟期行乎鄆之野注云
 鄆魯邑名史記田敬仲完世家取魯之鄆正義引括地志

故鄆城在兗州泗水縣西北五十里通作成漢志泰山有式縣式當爲成春秋桓十六年公會紀侯于成杜云成魯地在泰山鉅平縣東南昭二十六年經公圍成杜云孟氏邑昭七年左傳晉人來治杞田季孫將以成與之謝息爲孟孫守不可注云成孟氏邑本杞田定十二年傳仲由爲季氏宰將墮三都公欲處父謂孟孫墮成齊人必至于止門且成孟氏之保障也無成足無孟氏也杜注成在魯北境哀十四年傳孟孺子洩將圍馬於成注云成孟氏邑

太

周公所誅鄆國在魯從邑奄磬

依檢切

周公所誅鄆國在魯者玉篇鄆周公所誅叛國商奄是也書多方玉來自奄鄭注奄國在淮夷之旁周公居攝之時亦叛王與周公之三年滅之尚書大傳奄君謂祿父曰武王既歿矣今王尚幼矣周公見疑矣此百世之時也請舉事又云周公攝政三年踐奄通鑑外紀奄君謂武庚祿父曰此百世之時也請舉事祿父從之率奄淮夷叛周公奉王命興師東伐詩破斧周公東征四國是星傳云四國管蔡商奄也孟子周公相成王誅紂伐奄昭元年左傳周有徐奄注云二國皆徐姓昭四年傳成有岐陽之蒐注云周成王歸自奄大蒐于岐山之陽昭九年傳蒲姑商奄吾

說文解字彙登

卷十七

四

連筠篔簹書

東土也正義商奄魯也定四年傳因商奄之民命以伯禽而封於少皞之虛杜云商奄國名也與四國流言或遊散在魯皆令即屬魯懷柔之書序成王東伐淮夷遂踐奄鄭注奄國在淮夷之北



魯下邑從邑謹聲春秋傳曰齊人來歸鄆呼官切

魯下邑者玉潤都魯下邑濟北蛇邱縣也通作謹春秋桓三年齊侯送姜氏于謹杜云謹魯地濟北蛇邱縣西有下謹亭春秋傳曰齊人來歸鄆者定十年左傳文彼云齊人來歸鄆謹龜陰之田



魯亭也從邑以聲魯當切

魯亭也者漢因魯邑為亭也隱元年左傳費伯帥師城郕注云郕魯邑高平方與縣東南有郕郕亭春秋隱九年夏城郕注云郕魯邑桓十年齊侯衛侯鄭伯來戰于郕公羊云郕者何吾近邑也莊三年公次于郕莊三十一年築臺于郕檀弓戰于郕注云郕魯近邑也



奚仲之後湯左相仲虺所封國在魯薛縣從邑不聲

敷悲

切

奚仲之後云云者顏注急就篇有奚仲者爲夏車正受封於薛後遷于邳而仲虺居薛爲湯左相其後稱爲薛侯及爲楚所并餘族因號薛氏漢志魯國薛縣夏車正奚仲所封國後遷于邳湯相仲虺居之風俗通奚仲爲夏車正自薛封邳竹書外任元年邳人姚人叛河東甲三年彭伯克邳昭元年左傳商有姚邳注云二國商諸侯邳今下邳縣定元年傳薛之皇祖奚仲居薛以爲夏車正奚仲遷于邳仲虺居薛以爲湯左相杜云邳下邳縣仲虺奚仲之後方言徐土邳圻之間注云今下邳也寰宇記下邳縣本夏時邳國後屬薛春秋云薛之祖奚仲遷于邳史記高祖紀彭越渡睢水戰于下邳馥案有上邳故曰下漢書諸侯王表有上邳侯邳客風俗通奚仲爲夏車正自薛封邳其後爲氏案史記晉世家有邳鄭

晉

紀邑也從邑章聲

諸良切

紀邑也者春秋莊三十年齊人降邾公羊云邾者何紀之遺邑也穀梁同

卍

國也今屬臨淮從邑干管一曰邗本屬吳

胡安切

今屬臨淮首胡渭曰邗溝亦曰渠水漢志江都縣有渠水首受江北至射陽入湖是也又名中清水水經注中清水首受江於江都縣縣城臨江昔吳將伐齊北霸中國白廣陵城東南築邗城城下掘深溝謂之韓江亦曰邗溟溝自廣陵出山陽白馬湖逕山陽城西又東謂之山陽浦又東入淮謂之山陽口是也山陽本漢射陽縣屬臨淮郡晉義熙中改曰山陽縣射陽湖在縣東南八十里縣西有山陽瀆卽古邗溝其縣北五里之北神堰卽古末日也邗本屬吳者哀九年左傳吳城邗溝通江淮杜云今廣陵邗江是吳越春秋吳將伐齊白廣陵闕江通淮蕪城賦拖以漕渠李善云漕渠邗溝也左氏傳曰吳城邗溝通江淮杜預曰通糧道寰宇記揚州江都縣蕪城卽州城古爲邗溝城也董斯張曰邗在揚州吳夫差闕溝處杜預左傳注云邗溝廣陵韓江是閻若璩曰邗吳地也於其地築城號邗城城下掘深溝引江水東北通射陽湖其城應在大江濱今儀真縣南有上江口下江口舊江口或者舊江口爲吳夫差所穿故班志廣陵江都縣有渠水首受江是也第代遠城堙無復餘址樂史云江都縣城臨江今圯於水江

郡既爾邛城可知近志竟實以蜀岡上遺跡證其然

義郟

臨淮徐地從邑義魯春秋傳曰徐郟楚

魚鱗切

臨淮徐地者漢志臨淮郡徐縣故國盈姓至春秋時徐子章禹爲其所滅春秋傳曰徐郟楚者昭六年左傳文彼作儀徐錯曰杜預但言徐大夫名儀楚不言郟是地名據許慎所言則以楚是大夫之名郟是所會之邑若晉郟克魯叔孫之比然則當後漢之時春秋儀楚當作此郟字但杜預托許慎後故詳畧不同也

郟

東平無鹽鄉從邑后魯

胡口切

東平無鹽鄉者徐錯本有是字漢志東平國無鹽縣有郟鄉昭二十五年左傳逸齊郟注云郟在東平無鹽縣東南春秋定十年叔孫州仇仲孫何忌帥師圍郟何休云郟叔孫氏所會邑水經注汶水云汶水自桃鄉四分當其派別之處謂之四汶口其左二水雙流西南至無鹽縣之郟鄉城南郟昭伯之故邑也禍起鬪雞矣春秋左傳定公十二年叔孫氏隨郟今其城無南面又云次一汶西迎刷亭北廢案無鹽縣葦曰有鹽亭其後以郟鄉爲刷亭通典鄆州

靈石楊氏某

須昌縣下云有郈鄉亭左傳云季郈之雒陽即此通作厚漢書人表厚昭伯顏注卽郈昭伯也

炎

東海縣帝少昊之後所封從邑炎聲

徒甘切

東海縣者漢志東海郡郯縣故國少昊後盈姓律歷志郯子來朝顏注郯國名郯國卽東海郡縣是也後漢書光武紀進幸郯注云縣名屬東海郡故城在今泗州下邳縣東北音書地理志東海郡郯縣故郯子國水經注沂水云郯故國也少昊之後春秋昭公十七年郯子朝魯云云竹書紀年晉烈公四年越子末句滅郯以郯子鳩歸縣故魯也東海郡治 帝少昊之後所封者家語敘思篇孔子之郯注云郯國名也少昊之後左傳仲尼學官於郯子王肅云郯少暉之後史記越世家願齊之試兵南陽莒地以

邑

東海縣故紀侯之邑也從邑吾聲

五乎切

杜注左傳部在朱虛縣東南 玉篇部朱虛縣東南魯下邑也 廣韻部鄉名在東莞 韻案朱虛晉屬東莞 東海縣者漢志東海郡部鄉縣侯國 韻謂本書當云部鄉東海縣本書於單字縣名則曰某郡縣兩字縣名則全舉

其名而繫以郡如什邡郫之例哀帝紀立魯貞王子邵
鄉侯閔爲王蘇林曰郫縣名也屬東河故紀侯之邑也
者春秋莊元年齊師遷紀郫郫部郫字記安邱縣部
城在今縣西南六十里郫春秋遷紀郫郫部是也

東海

東海之邑從邑偁聲

戶圭切

東海之邑者當爲北海史記田敬仲完世家自安平以東
至琅邪集解云安平在北海正義云括地志云安平城在
青州臨淄縣東十九里古紀國之郫邑青州卽北海郡也
玉篇郫紀邑在安平縣郡國志北海國東安平有郫亭春
秋莊三年紀季以郫入于齊穀梁云郫紀之邑也杜注左
傳云郫紀邑在齊國東安平縣莊十二年紀叔姬歸于郫
范甯云郫紀邑也僖二十六年公追
齊師至郫陳岳春秋折衷云郫齊地

郫

郫姓國在東海從邑會聲

疾陵切

春秋僖十四年季姬及郫子遇于防哀七年公會吳于郫喪
四年左傳公請歸郫杜注並云郫今琅邪郡郫縣郫案卽在許
縣琅邪元和志沂州承縣春秋時郫國也哀字記沂州
承縣本舊縣春秋時郫國也故郫城在縣東八十里通作

說文解字義詁 卷十九

聖

漢書地理志

續括地志續縣在沂州承縣魏策續

特齊而輕越齊和子亂而越人匹續

如姓國者徐錯本作姬姓國錯曰案杜預續姬姓與說文

同或寫作如誤故案僖三十一年左傳衛遷于帝邱衛成

公夢康叔曰相奪于享公命祀相甯武子不可曰鬼神非

其族類不設其祀祀邠何事相之不享於此久矣杜注言

杞鄆夏後自當祀相夏后啟之孫探此則杜不以邠為

姬姓也史記周本紀申侯怒與緡西夷犬戎攻幽王案緡

緡國名夏同姓正義國語云緡如姓夏禹後括地志云緡

縣古侯國禹後在東海者漢志東海郡緡縣故國禹後

邠 邠郡從邑身聲 只逆切

邠邠郡者九經字樣邠邠郡名邠良也邠道也以地居邠

魯人有善道故為郡名今經典用邠邠字玉笏作邠邠字

或作邠者謂復案伏範齊地記邠邠城東南十里有邠山

即古邠邠臺也秦始皇至邠邠大樂之湯三月邠邠臺赤

孤山也杜注左傳邠國今邠邠開陽縣釋文邠本或作邠

漢書游於巖邠之上晉灼曰邠堂遼廡周禮注作邠云釋

晉不過琅腹謂此邠邠假借之證也漢志邠邠郡案置史

記秦始皇本紀南登邠邠正義云今兗州東沂州密州邠

古琅邪也齊悼惠世家高后刻齊琅邪郡立營於侯劉澤
焉琅邪王正義云今沂州也十道志沂州琅邪郡置在臨
沂縣禹貢徐州之域也春秋時齊地秦置琅邪郡郡國縣
道記琅邪臺在故城東南十里州東南一百七十里臺上
有始皇碑後漢郡國志琅邪國琅邪注云山海經云有琅
邪臺在勃海開琅邪之東郭璞曰琅邪臨海崑崙山唯曉
特起狀如高臺此即琅邪臺齊景公曰吾衛海而南反乎
琅邪越絕曰句踐徙琅邪起觀臺臺周七里以望東海史
記曰秦始皇徙黔首三萬戶琅邪臺下元和志秦并天下
置琅邪郡因琅邪山以爲名也又云諸城縣琅邪山在縣
東南百四十里九域志密州諸城縣有琅邪山寰宇記諸
城縣秦琅邪故城在今縣東南一百六十里古城是也

𡗗

琅邪縣一名純德從邑夫聲

甫無切

琅邪縣者見漢志一名純德者莽曰
純德本書不引莽地名蓋後人加之

𡗗

齊地也從邑黍聲

親吉切

齊地也者通作漆春秋襄二十
一年邾庶其以漆闕邱來奔

說文解字義證

卷十九

巽

連筠筱叢書

齊

齊之郭氏虛善善不能進惡惡不能退是以亡國也

從邑商聲

古博切

齊之郭氏虛者徐錯曰郭氏當是靖國之後乎寰宇記博州聊城縣郭城隋圖經云郭城卽亡國郭氏之墟殷案春秋莊二十四年赤歸于曹郭公公羊穀梁皆言郭公失國而歸于曹杜預謂經闕誤二家之說不易林牛驥同堂郭氏以亡國破爲墟主君奔走又云鴻盜我珠逃於東都鵠怒追赤郭氏之墟虛謂故國之虛哀十七年左傳登此昆吾之虛昭十七年傳宋大辰之虛陳大皞之虛鄒祝融之虛衛顛頊之虛僖二十八年傳晉侯登有莘之虛定四年傳伯禽封於少皞之虛康叔封於殷虛周叔封於夏虛昭十二年傳入索九邱賈逵曰九邱亡國之戒杜注昭四年傳云魯城內有大庭氏之虛僖三十一年經衛遷於帝邱注云故帝顛頊之虛故曰帝邱爾雅釋天顛頊之虛竹書盤庚自奄遷朝歌遂曰殷墟檀弓墟墓之間注云墟毀滅無後之地史記成王以殷餘民封康叔爲衛君居故商墟魯世家武王既克殷封周公於少皞之墟新序孔子對哀公曰君出魯之四門以望魯之四郊亡國之墟列必有

數矣漢志東郡濮陽縣故帝邱顓頊虛風谷通妣墟在濟陰城陽縣帝顓頊之墟閔伯之墟揚雄解嘲昔三仁夫而殷地善善不能進惡惡不能退是以區國也者顏注急就篇齊地有郭氏之虛蓋古國國滅之後遂爲郭姓齊有郭榮此其族也新序昔者齊桓公出游於野見區國故城郭氏之墟問於野人曰是爲何墟野人曰是爲郭氏之墟桓公曰郭氏者何爲墟野人曰郭氏者善善而惡惡桓公曰善善而惡惡人之善行也其所以爲墟者何也野人曰善善而不能行惡惡而不能去是以爲墟也風俗通云傳曰郭氏之墟墟者虛也郭氏古之諸侯善善不能用惡惡不能去故善人怨焉惡人存焉是以敗爲邱墟也新唐書王珪傳臣聞齊桓公之郭問父老曰郭何故區曰以其善善而惡惡也公曰若子之言乃賢君也何至於區父老曰不然郭君善善不能用惡惡不能去所以區

齊地從邑見聲春秋傳曰齊高厚定郕田

五維切



春秋莊五年鄭卑來朝左傳云名未王命也杜云附庸國也木受爵命爲諸侯傳發附庸稱名例也其後數從齊桓以尊周室王命以爲小邾子正義郭之上世出於邾國世本云邾顏居邾肥徙邾朱仲子注云邾顏別封小子肥於邾爲小

郭子則頡是郭君肥始封郭諸云小郭郭侯之後也夷父頡
 有功於周其子友別封為附庸居郭曾孫率來始見春秋附
 從齊桓以尊周室命為小郭子穆公之孫惠公以下春秋後
 六世而楚滅之世本言肥杜諸言友當是一人僖七年經書
 小郭子來朝知齊桓請王命命之 莊十五年左傳諸
 侯為宋伐郭杜注郭附庸屬宋而叛故齊桓為之伐郭
 齊地者廣韻郭城在東海玉篇東海昌慮縣有郭城杜注
 左傳東海昌慮縣東北有郭城 春秋傳曰齊高厚定郭
 田者襄六年左傳文彼云遷萊于郭高厚崔杼定其田正
 義云郭即小郭也二年傳曰滕薛小郭之不至皆齊故也
 小郭附屬于齊故滅萊國而遷其
 君於小郭使之寄居以終身焉

郭海地從邑字聲一曰地之起者曰郭 蒲沒切

郭海地者漢志有郭海郡武帝紀作汝揚雄傳作勃淮南
 書亦作勃高誘曰勃大也南山經丹水南流注于渤海郭
 注渤海海岸曲崎頭也本書澥下云勃澥海之別名勃亦
 當作郭 一曰地之起者曰郭者徐鍇曰周禮土有勃墳
 借勃
 字也



國也齊桓公之所滅從邑

徒含切

上篇鄆在濟南平陵縣南通作譚急就篇譚平定寰宇記歷城縣譚城在縣東南一十五里說苑桓公曰昔者吾圍譚三年漢書人表譚大夫新序吳有士曰譚夫吾廣韻漢有河南尹譚閔風俗通孟嘗君逐於齊見反譚子迎於儘

國也者郡國志東平陵有譚城故譚國通典齊州全節縣存秋時譚國城在縣西南齊桓公之所滅者顏注急就篇譚小國也為齊所滅春秋莊十年齊師滅譚杜注譚國在濟南平陵縣西南左傳齊侯之出也過譚譚不禮焉及其入也諸侯皆賀譚又不至冬齊師滅譚譚子奔莒詩大車序云譚大夫作是詩箋云魯莊公十年齊師滅譚水經注濟水云武原水出譚城南平澤中世謂之武原淵齊桓之出過譚譚不禮焉魯莊公九年即位又不朝十年滅之漢文帝十六年置為王國景帝二年為郡王莽更名樂安元和志齊州全節縣本春秋譚國之地齊滅之漢以為東平陵縣屬濟南郡齊乘東平陵城在濟南東七十五里春秋鄆國齊桓滅之古城在西南龍山鎮相對漢為東平陵縣

地名從邑句聲

其俱切

陳留鄉從邑亥聲

古哀切

故國在陳留從邑斐聲

作代切

故國在陳留者字林同郡國志陳留郡考城故留陳留志曰古戴國地名春秋隱十年宋人衛人伐戴杜云戴國今陳留外黃縣東南有戴城正義云地理志云梁國留縣故戴國應劭曰章帝改曰考城古者留戴聲相近故鄭元詩箋讀假效爲熾留是其音大同故漢於戴國立留縣於管屬陳留

地名從邑燕聲

鳥前切

襄二十九年左傳齊人立敬仲之會孫鄒常取此地爲名

地名從邑丘聲

去鳩切

地名從邑如聲

人諸切

𡗗

地名從邑丑聲

女九切

𡗘

地名從邑几聲

居履切

𡗙

地名從邑翁聲

希立切

𡗚

地名從邑來聲

巨鳩切

𡗛

地名者玉篇

郊鄉在陳留

𡗜

地名從邑嬰聲

於郢切

𡗝

地名從邑尙聲

多朗切

𡗞

論語闕黨當作此郛

漢書食貨志五族爲黨五黨爲州

𡗟

地名從邑并聲

薄經切

地名者玉篇郛地名在東莞臨胸胸縣東南郡國志齊國臨胸古郛邑注云應劭曰伯氏邑也春秋莊元年齊師遷紀

說文解字義登

卷十九

邑

連筠篔叢書

邯鄲郡杜云州在東莞臨胸縣東南

地名從邑虐聲呼古切

地名者玉篇鄆魯地名

地名從邑火聲呼果切

地名從邑麥聲盧烏切

地名者通作鄆漢袁良碑僊脩城之鄆類篇鄆說文作鄆地名

地名從邑爲聲居爲切

地名者玉篇鄆地名春秋曰曾于鄆杜預云鄆地

地名從邑屯聲此尊切

地名從邑舍聲式車切

地名首玉篇春秋曰徐人
取郟杜預曰今廬江郟縣

𡗗

地名從邑益聲

胡蟻切

地名者廣韻
郟或作益

𡗘

地名從邑乾聲

古寒切

𡗙

地名從邑嵩聲讀若淫

力荏切

𡗚

地名從邑山聲

所開切

𡗛

地名從邑壘聲壘古堂字

徒郎切

地名者玉篇壘下引
續漢書廣陵郟邑也

𡗜

姬姓之國從邑馮聲

房戎切

姬姓之國者通作馮廣韻馮姓畢公高之
後自采於馮城因而命氏出杜陵及長樂

𨾏

汝南安陽鄉從邑蔽省聲

苦怪切

汝南安陽鄉者昭二十三年左傳攻荆蒯貫注云河南縣蒯鄉是也 蔽省聲者當爲𨾏省聲玉篇廣韻並有𨾏字

本書

關

𨾏

汝南上蔡亭從邑甫聲

方矩切

汝南上蔡亭者廣韻卽亭名在汝南又云在下蔡

𨾏

南陽縣從邑麗聲

郎覽切

南陽縣者見漢志高帝紀倍攻析郟皆降顏注郟卽菊潭縣地理志屬南陽故案荊州記郟縣北有菊溪源出縣西北五十里石澗山東南流兩岸多甘菊複謂菊溪卽菊潭麗聲者如淳音躡躡之躡

𨾏

地名從邑譽聲

七然切

地名者董道廣川書跋引字林鄭畿內地名

𡗗 從反邑𡗗字從此闕

文一百八十一 重六

𡗗

鄰道也從邑從𡗗凡𡗗之屬皆從𡗗

胡絳切

𡗗

國離邑民所封鄉也嗇夫別治封圻之內六鄉六鄉

治之從𡗗𡗗聲

許良切

釋名萬二千五百家爲鄉鄉向也眾所向也周禮大司徒五州爲鄉注云鄉萬二千五百家鄉大夫各掌其鄉之政教禁令注云鄭司農云萬二千五百家爲鄉管子小匡篇制五家爲軌軌有長十軌爲里里有司四里爲連連有長十連爲鄉鄉有良人漢書食貨志五家爲鄰五鄰爲里四里爲族五族爲黨五黨爲州五州爲鄉鄉萬二千五百戶也鄰長位下士自此以上稍登一級至鄉而爲鄉也

國離邑民所封鄉也嗇夫別治者黃恭交廣記秦兼天下改附庸爲鄉鄉則有族今嗇夫是也鄉之言境言其在人

說文解字義證

卷十九

臣

連筠蓀叢書

境域內非天王所置故言鄉漢書百官表大率十里一亭
亭有長十亭一鄉鄉有三老有秩嗇夫游徼三老掌教化
嗇夫職聽訟收賦稅游徼循禁賊盜封圻之內六鄉
六鄉治之者周禮大司徒辨其邦國都鄙之數制其畿疆
而溝封之小司徒乃頒比躋于六鄉之大夫疏云六鄉大
夫皆六命卿爲之又鄭注序官云司徒掌六鄉又云司勳
職曰掌六鄉之賞地六鄉地在遠郊之內則居四同鄭司
農云百里內爲六鄉外爲六遂又注司常云師都六鄉六
遂大夫也



里中道從巽從其皆在邑中所共也

胡絳切

里中道者廣雅街道也三蒼衛里中別道也易睽九二遇
主於巷象曰遇主於巷未失道也詩巷無居人傳云巷里
塗也又半侯我乎巷兮傳云巷門外也正義云巷是門外
之道與里塗一也楚辭五子用失乎家衡李善注引法言
一巷之市今
法言作閔

篆文從巽省

文三 重一